

東  
華  
續  
錄

臣朱壽朋敬編

臣沈彭年恭校

五月庚戌朔諭刑部代奏主事曾克相應詔陳言一摺民間開墾之事至為重要惟茶與桑實為自然之利果能廣為勸諭種植得宜亦足以厚民生而裨日用著各該省督撫遵 欽定授時通考督飭地方官切實講求茶桑兩種應如何培養採取之法各視地之所宜勸令民間廣為栽植該地方官如能勸有成效准其奏請獎勵○命全慶以刑部尚書協辦大學士○以戰齡為大學士管理工部事務○辛亥調鹽桂為吏部尚書以恩承為禮部尚書榮祿為都察院左都御史○壬子以運賑出力予臬司黎兆棠等升叙有差○癸丑福建提督周志本卒下部從優議卹○諭御史李桂林奏各倉放米往往有棍徒包攬俸票並領分肥請有嚴禁等語倉務關係綦要豈容匪徒從中漁利致滋弊端著戶部倉場侍郎於各旗領米時仿照甲米章程派員會同各參領督同監放務令各該員依限自領以祛積弊而慎倉儲○甲寅諭翰林院代奏編修吳觀禮條陳近日部院行省營伍弊端請飭變通查禁等語各部院交議事件自應體察情形詳慎議擬豈可就延積壓使書吏得售其奸嗣後在京各衙門凡有交議及應辦事宜該堂官

務當責令承辦之員事必躬親速爲經理毋得假手吏胥致滋流弊凡定稿題奏限以時日以期毋怠毋  
荒應如何量予獎懲並著隨時考察未公辦理各省疆吏侵官濫司曠職以及理刑衙門牽結疑獄妄駁  
新呈所在多有著各直省督撫力除積習凡用人理財諸事悉責成藩司認真經理不得使官蔽賢自取  
咎戾刑名出入尤關緊要並著責成臬司督飭承審之員分任治獄毋得互相諉卸以致案件積留並隨  
時嚴查各屬州縣分別覈報不准再有牽結妄駁等情該編修所稱上下忙之併征西北路之驟概皆於  
荒政有礙著即查明嚴行禁止營伍亟宜整頓若如所奏練軍空額將弁匿缺冒餉統領勒提營官夫價  
營官攤扣各哨薪糧統領族戚以衣物按名派銷扣削漁利以及挑補兵丁需索規費戍兵私賣防汛爲  
陋鹽地以致積蠹損壞砲石各情尙復成何事體著各該督撫確切查明如有前項情弊卽著從嚴參辦  
毋稍徇隱○丙辰以四川重慶瀘州一帶島匪肅清予知州田秀榮等獎叙有差○丁巳諭御史劉錫金  
奏訪明陝西殉難紳民婦女開單懇請旌卹一摺陝西同州府屬之大荔朝邑郃陽等縣於同治元年回  
逆變起時該處紳民人等或禦賊被戕或畏辱捐軀均堪憫惻該御史繕錄陝西見聞較確所有單開之  
訓導朱溪午等三百八十一名口著該部查明照例分別旌卹並准其自行捐資立祠建坊另片奏請將  
保全城寨之生員譚卹等語陝西朝邑縣生員雷五堃著譚鍾麟查明奏請卹典該部知道○己未諭榮

祿等奏遵議廣遺外來飢民章程請賞銀兩一摺直隸被災較重之保定等府州縣流民前經順天府先行道令歸籍榮祿等現已將順天直隸之武清等州縣山東之臨清等州縣陝西之蒲城等州縣並河南山西兩省在京災民查明情願回籍者一併賞道給與路費等項錢文並分別加給銀兩以爲回耕資本卽著督飭屬員妥爲經理加恩賞銀二萬由山戶部給發俾資散放餘依議另片奏外城永定等門外粥廠請續賞銀米等語著再行賞給米一千石銀一千五百兩由戶部倉場衙門發交五城以濟窮黎○庚申張佩綸奏竊得兩以來 朝廷益加敬畏 申諭周詳民心大定矣漸乃訛言起則以增兵宿衛也以臣所聞或曰欽天監有封奏矣災感在某度主火備火氣也或曰饑民多恐教匪乘之起既甲門禁益鎮以兵備非常也 高深之見諒非市人所能測審如二說臣不謂然夫五行占驗乃近術家宋公一言災感退舍子產不信裨鄒亦不火理不勝數何常之有且卽以天文言之三垣乃無他祥火星亦仍常道其可懼者惟日有赤色則祇畏已在 聖心誠畏 天政必法 天修德以禳之可也林清之變外結悍賊內連宦寺非真有邪術可役鬼行厭也今誠得盜賊主名下步軍統領順天府五城密擒之足矣誠得宦寺主名下總管太監密治之足矣若無左證則徒風影持靜以鎮之可也且臣聞之積疹之氣散爲訛言訛言所自起始則天久不雨百姓不無造作以相驚恐漸達於士大夫漸達於 宮禁輾轉附會

乃至不可究詰其妄誕不經或且張皇妖夢緣飾神言取止徵信人無覺焉妖不自作請出之叫傳鄉之誼 朝廷不應出此非不知思患預防與其不防而有萬一不如防之之爲得計也然內存祗畏無事當作有事觀外示鎮定有事當作無事觀今海內晏然而禁兵忽集傳之四遠將謂之何昔年黑衛則符錄徧於貴家今歲赤祥則馬甲森於複道臣恐中外有以測 朝廷也伏願 皇太后 皇上與王大臣求所以格 天安民者安危禍福誠不在區區屯衛所謂神機營兵卽係年例歇夏亦請 明詔宣示以定人心其在易曰過雨之吉羣疑亡也降雨自 天釋疑自 上浮言不已臣不敢不以 聞又竊廷奏竊惟德可格 天惟靜可制動不務根本徒事張皇不但不能弭亂且恐以召亂前月以來訛言大興兇唐怪誕不一而足紛紜傳說人心皇皇近聞神機營兵調駐 禁城左右人心更滋疑惑奴才愚昧之見不解鬼神之說占驗之術竊謂聖功王道坦平正直荒誕之言皆不足信果有天變當修德以挽之邪教難保必無嚴查保甲嚴中門禁以防之前曾有 旨嚴保甲矣所謂嚴者不過戶黏一紙而已而良莠之雜處如故也亦有 旨嚴門禁矣所謂嚴者不過無冠不許入無褂不許入而已而閒雜之往來如故也不此之務而別事張皇設有意外之變寇起 禁中城外雖有勁兵緩不濟急豈足恃哉京師五方錯處保甲原不易查而豈可遂聽其不查請 旨飭下步軍統領等衙門督率實力奉行不可虛應故事

禁門理應嚴肅非奏事引 見不當輕入邇來書稿見堂官送人引 見考試紛紛入 內務查良難  
神武門 黃震門爲太監及各項匠役所出入尤難稽查無知太監難保不引進閒人 景運門 降宗  
門外各處院宇頗多更難保不容留閒人而各門護軍既未必一律精壯器械又多不堅利且未必足額  
設有變故何以禦之請 旨飭下御前大臣軍機大臣內務府大臣前鋒護軍統領迅速查照成例變通  
會議章程嚴申門禁官員非奏事引 見不許輕入各處當差吏役人等及各處太監出入嚴查人數姓  
名不許引進閒人容留閒人私往外變必由內引嘉慶癸酉之變亦由太監勾通請 飭下內務府大臣  
隨時嚴查各處太監如有跡涉可疑與不循規矩者卽行撥出不可姑留邇來外間訛言紛騰無知太監  
未必不互相傳說且恐有藉端妄造以干 天聽者 皇上尙在沖齡豈可聞不經之語尙乞 皇太后  
嚴加防察其有言近荒誕者概行禁止不許妄傳以杜奸謀而免紛擾並請 降旨曉諭臣民近因遇災  
修省諸求整頓凡調營兵查保甲嚴門禁等事不過因流民衆多隄防盜賊起見原無他意聞欽天監前  
上封事外間不知底裏紛紜妄擬如所奏無大關係請將原奏 宣示以釋羣疑神機營兵既調亦不必  
遽撤但將塞作護衛不須顯張聲勢駭人耳目當此 天心大順雨暘時若天下事已有轉機伏願 皇  
太后 皇上益加寬慰益加修省益加振作以邀 天眷內外防範既嚴以靜待勦一切浮言不必輕聽

縱有災異 修德可以挽回縱有奸謀有備自能無患若因旱災漸弭遂日就怠荒當嚴者不嚴不必信者輕信外露張皇而內疎防備竊恐宜等因而生事奸究因而生心名爲弭亂實以召禍天下事將不可問矣欽奉 慈安端裕康慶昭和莊敬皇太后 慈禧端佑康頤昭豫莊誠皇太后懿旨翰林院侍講張佩綸奏請修德持靜以靖浮言國子監司業寶廷奏訛言日起請示鎮定各一摺京師連次得雨深透人心大定外來饑民現已陸續資遣本毋庸作意外之防至禁門理應嚴肅付諭前鋒統領護軍統領認真整頓復據醇親王面奏神機營兵年例歇夏可派令幫同地方官巡查當經允其所請自四月初五日至二十八日每見日月出入時間有赤色按天文正義內載日月占驗三日內有雨則解逐日觀候存記俱係三四日內或有雨或微風或雲陰不入占等語該衙門照例具奏之事亦無用其張皇若如張佩綸寶廷所奏則民間因此傳聞訛言日興是朝廷整飭紀綱之舉轉爲羣情駭惑之端不可不明白曉諭以安人心而釋羣疑著即將欽天監原摺單一併宣示至嚴申門禁章程著御前大臣軍機大臣總管內務大臣前鋒統領護軍統領查照成案妥速會議具奏所有京師內外城保甲事宜著步軍統領等衙門督率司員實力奉行不得虛應故事神武門禁煙門爲太監及各項匠役所出入著總管內務府大臣妥爲約束毋任滋生事端○諭翰林院侍講張佩綸奏河南吏治緊劣職務尤不認真請飭嚴劾貪墨等語山西

河南兩省前已有旨諭令查參辦賑不善之員河南賑務現正喫重其辦理得力者固應量予獎勵以示激勸而其中亦難保無貪劣各員朦混作弊著涂宗瀛嚴密訪查遇有此等不肖官吏即行從嚴參辦勿稍徇庇○癸亥戶部尚書魁齡因病懇請開缺允之○甲子諭萬壽恭等奏六門四鎮及蘆溝橋趙村鮑家莊各粥廠請展限續發銀米各摺片現在糧價未平近畿各粥廠貧民就食猶多加恩著照所請所有六門四鎮及蘆溝橋粥廠自本月起再展限兩箇月賞給粟米一千四百石並添撥銀二千兩飭令撙節動用其趙村鮑家莊兩廠著一併再行展限兩箇月仍每月賞米一百二十石以贍窮黎○以景廉爲戶部尚書榮祿爲工部尚書文煜爲都察院左都御史○左宗棠奏臣於三月二十六日欽奉 上諭劉典奏請開缺回籍養親並就醫治病一摺據稱現在新疆肅清軍務大定關內防營一時縱難盡裁督臣可以就近兼顧毋庸另具照料伊母衰病愈增需人侍奉並自陳病狀請開缺回籍養親治病等語關外軍務告竣一切善後事宜尚須籌辦所有後路防營及轉運各事該大臣是否可以兼顧無須劉典幫辦之處即著斟酌情形奏明辦理將此諭令知之欽此○維劉典奉 命幫辦陝甘軍務於今三載漢回又安兵民和輯固已成效可觀凡整軍節餉可以裨益地方及生聚教訓可爲民間久遠計者無不殫誠竭慮匪勉圖之陝甘官紳士民兵勇具有見聞無煩觀聽臣頻年憂志經營關外新疆內顧無虞實賴劉典之

同心裨贊現在新驛軍務雖竣而謀及久長莫如置省開設郡縣事關大局宜慎其始北路鎮迪一道雖粗具規模然自準部夷滅後漢回錯處兵燹之餘遺黎什存一二田疇荒蕪蠶桑蕭條近時招徠耕墾稍有頭緒然非俟烏魯木齊都統伊犁將軍詳細會籌不能定議入告南路自吐魯番以暨八城久爲安集延逆渠竊踞雖官軍長驅迭掃秋毫無犯回民安堵如常較北路尙爲完善惟議設郡縣則必正經界察映瘠以定賦役別險夷審衝僻分繁簡以定官制有仿內地成法隨宜損益者有擬內地成法應議變通者非俟劉錦棠張曜及各局員隨時察酌會籌不能定議入告千條萬緒創始尤難臧賸往返動需兩月有餘臣雖衰朽餘年仍應暫駐邊關待此議有成乃可回省而關內正議改營行糧爲坐糧以期撙節而規久遠尤非劉典一手經理難期周妥劉典體質素強惟不耐窮邊寒苦易生疾病每遇冬春卽患喘促氣滿痰嗽眩暈諸證與臣同病而所患尤劇臣遣人省視僞偃呻吟之狀如見如聞而猶力疾治事鉅細躬親晨夕靡間歷次緘稱年已六旬久病之餘精力銳減深以未獲爲國久効馳驅爲憾母年八十有七近聞衰病侵尋時深憂懼詞多苦楚臣雖再四慰留然觀其情狀實有未敢殫於上聞者竊意時近潯暑長途跋涉亦非病軀所宜而劉典經手事宜尙須料量非新秋不能成行合無仰懇 皇仁俯准劉典開缺回籍以便省親養病之處出自 天恩謹據實覆陳伏候 皇太后 皇上聖鑒訓示施行又

奏自咸豐十年奉 命從事戎行卽延致素交與理營務維時司 營務者道員 予諡貞介王開化及劉典楊昌濬三人道義相正患難與偕實非尋常可比雖異時悲懼離合蹤跡不同而彼此氣誼交孚至今尙堪擬按楊昌濬以餘杭案去官時論異同 臣固無庸置喙然觀浙民去思之切亦足見其無負於浙人也茲劉典養親治病實出真忱 臣既蒙 垂詢不能不代懇 恩施開缺回籍而新甯營後事務紛繁一時難於就緒 臣既不能分身兼顧則幫辦軍務仍須速覓替人合無仰懇 天恩特飭前任浙江巡撫 臣楊昌濬赴蘭州幫辦陝甘軍務出自 聖裁 臣因時事相需起見不敢自安緘默是有當伏乞 聖鑒訓示施行 上諭左宗棠奏復陳劉典病難速痊親年篤老懇准開缺回籍並請簡員幫辦各摺片通政使司通政使劉典著准其回籍前任浙江巡撫楊昌濬著賞給四品頂戴幫辦甘肅新甯營後事宜劉典著俟楊昌濬抵甘肅後再行交卸回籍○予故巡撫勞崇光於廣西建祠列入祀典○乙丑諭前據國子監司業汪鳴鑾奏杭州旗兵強買草蓐持械傷斃鋪夥兇犯潛匿營內等情當經諭令果勒敏等嚴拿案犯定擬具奏茲據奏稱上年十月間有山東德州銷場旗人鄭聽卽榮福在藍橋地方茶葉鋪強買茶葉該店不允致相爭毆馬甲喻山保等往勸爭打致店夥方正恩等受傷首犯脫逃等語旗兵恃強滋事實屬目無法紀該將軍等平時既約束不嚴事後又不能將逸犯立時拿獲咎無可辭果勒

敏濟祿均著交部議處仍著分飭勒拿逃犯鄧聰卽榮福務獲歸案嚴訊分別重懲至該營雖無徹夜不  
開情事仍當嚴定營規飭令各營官仿照保甲章程設立門牌稽查奸宄并任兵丁再滋事端餘著照所  
議辦理○諭御史秀文奏請慎拏倉匪以免拖累一摺據稱匪徒攪擾倉務多有挾嫌捏告等情而兩翼  
弁兵奉旨查拏動輒百餘人藉端搶掠財物往往誤拏良民並有私刑拷問事情請嗣後查辦倉匪密交  
倉場派員訪拏等語匪徒攪擾倉務自宜嚴辦惟必須訪查明確方可搜拏豈容藉端滋擾嗣後步軍統  
領衙門務當嚴飭派出弁兵慎密查拏不准有妄拏良民及藉勢騷擾情事至倉場衙門本無緝拏人犯  
之責該御史所請著毋庸議○曾國荃奏督省上年遭此奇荒民不堪命仰蒙 朝廷加意撫恤迭次撥  
給漕糧自應迅速轉運早達災區方足以廣 皇仁而拯民命惟南路運四牲畜盡皆倒斃近日各屬略  
沾雨澤阡陌正須翻犁去冬尚有路駝可僱一交夏令盡行歸廠騾馬無從僱覓小民趨利若鶩非加價  
不足以廣招徠惟是運費過鉅各省捐協之款一時未能稱至本省勸捐已成勞家且上年錢糧業經分  
別蠲緩本年上忙亦予蠲免司庫如洗無可騰挪現在節支小滿若不迅籌運費必致糧滯中途無以達  
飢民之口因思督省各項貿易惟平遙祁縣太谷三縣陋兌各莊賤為股實查同治十三年因兵餉不敷  
曾經奏借過該商銀二十一萬兩至今尚有七萬餘兩未完該票莊共體時艱屢緩取償洵屬全桑梓

茲當運糈維艱之際無可設法不得已檄委監舉同知張元鼎前往平遙那縣太谷三縣會同地方官剴切勸借茲據各崇莊共允湊借銀十二萬兩查該崇莊各省均有字號若能幫助勸捐或可以廣招徠一俟集有成數即可歸還本屆借款酌給利息一轉移間目下既可稍資運糈今冬明春歸償借款亦不至虛懸無著至於前次奏借未還之銀七萬餘兩議從捐輸項下一併給還以示信於票商據捐輸局司道會詳請奏前來臣查所辦係爲廣籌運糈起見官商均以信義相孚移緩就急則於始終不渝尙屬允協下戶部知之○丁卯諭巡視中城御史訥降阿等奏請將五城飯廠及紳捐各粥廠再行展限各摺片現在糧價尙未平減貧民餬口維艱所有五城十五廠著加恩再展限兩月至五城之朝陽閣育嬰堂打磨廠長椿寺關帝廟圓通觀梁家園各粥廠據紳經營不敷仍照舊請領米石等語卽著照所擬辦理○戊辰調萬壽藥爲吏部尙書以徐桐爲禮部尙書翁同龢爲都察院左都御史○己巳命董恂充 實錄館正總裁○左宗棠奏據統領武威軍平慶涇固道魏光燾稟稱擬由固軍籌備經費擇就平涼府城空地建修忠義祠專祀武威軍歷次陣亡傷故文武員弁兵勇並附祀平慶涇固各屬隨同官軍戰守傷亡官紳鄉團士庶人等歲時致祭以慰忠魂並由營勇墾熟荒地內劃撥四百畝除完納正額丁糧外餘充香火祭祀之費等情呈請具奏前來臣查軍營陣亡官弁人等有於死事地方捐建祠宇者均經核明例

案奏辦奉 旨允准各在案今該道擬由國庫籌備經費在於平涼府城空地建修忠義祠宇以祀武威軍陣亡傷故文武員弁勇丁人等並附祀隨同打仗陣亡官紳核與成案相符應懇 天恩俯准飭部立案以垂永久入祠之文武員弁兵勇官紳銜姓花名清冊容俟查造呈齎至日分送各部查照下該部知之○庚午夏至大祀 地於 方澤遣載敦恭代行禮○辛未召崇厚入覲以岐元兼署奉天將軍○乙亥諭前因京師錢價漲落不定錢店多有關閉於民間生計殊有關係諭令步軍統領等衙門嚴拏私鑄妥為彈壓茲據步軍統領衙門奏稱近因私鑄雜街市挑剔小錢致錢價無定錢店關閉者不少現將藉端滋擾搶奪之人犯及有意牟利潛逃之奸商拏獲數起擬先行枷號押赴各街示衆再行按律治罪以儆效尤至私鑄人犯現已拏獲數案送部訊辦日來市肆漸次安帖等語仍著該衙門督飭員弁隨時妥籌整頓毋任奸商藉端罔利致累閭閻並仍嚴拏私鑄人犯以重國法○內子闔散銷等奏請將順大等府賑務展至八月停止允之○丁丑諭御史鄧慶麟奏參光祿寺署丞散惠攬權營私各款當派員稽察恩承某公查辦茲據查明散惠被參撥借款目等節或遵照例章辦理或有案可循或已回堂或未遺失尚無攬權營私積壓剋扣各情弊惟於應放油行銀兩因當日傳領未到以後並不認真催領輒以纂辦則例率行具稿借用且稱係已放未領之款情近挪移雖未動支而從前朦混之咎究無可辭其另加

平餘一節雖爲辦公之用亦非始自該員惟經手動支並不立案辦理殊屬草率撤惠著卽撤去一切差使交部議處卽著該衙門將加扣平餘一項詳細查核如可裁減卽行改歸舊章倘必須藉資辦公亦應妥議章程務昭核實其所短銅器三千餘件應如何勒限賠繳並以後派帶卽鑰如何添派同辦或幫辦人員以杜專擅之處一併奏明辦理○是月美利堅國使臣西華回國參贊何天爵署理○比利時國使臣謝惠施回國謝武伯署理

六月庚辰諭前任都統奕山由侍衛出師回疆等處荷累朝知遇之恩洊升將軍都統補授御前大臣內大臣因年逾八旬蒙恩准其開缺仍留一等鎮國將軍賞食全俸方冀遐齡克享恩眷長承茲聞溘逝殊深軫惜加恩著賞給陀羅經被派員勒載漕帶領侍衛十員卽日前往奠醴賞銀一千兩經理喪事由廣儲司給發並照例賜卹任內一切處分悉予開復應得卹典該衙門察例具奏伊曾孫頤品廕生毓照著賞給郎中應封宗室毓楷著賞給主事用示篤念耆臣至意○壬午直隸按察使黎兆棠以病免○以丁壽昌爲直隸按察使○崇厚岐元恩福奏承准宗人府咨稱會同戶部議覆給事中李宏謨原奏奉天地方新加整頓東溝通溝各邊境開荒裕稅之計漸蓄擬請仿照嘉慶年間移居宗室成案於奉省新徵邊稅內籌款俾資養贍惟一時給地建房暨應備賞需能否於荒稅內多籌餘款藉資經費並以後移居各

宗室常年養贖能否於荒稅內酌量提撥應由奴才崇厚岐元恩福體察情形妥議具奏奉 旨依議欽此欽遵咨行前來奴才等查該給事中所奏原爲仰體 皇仁培植宗支起見但有款項可籌自應遵照辦理惟奉省俸餉向係仰給由省接濟近因欠解繁累左支右絀卽東邊外之東溝通溝各處現經設官分治就地升科其額徵錢糧並各項邊稅歲入無幾以邊外所出供邊外所需尙須力求撙節勢難再籌他項以爲挹注之資奴才等詳加體察在京宗室一時難以遽議移居而在奉省居並原移居宗室生齒日繁邇來有志上進者頗不乏人現擬另行籌款於原設兩宗學外添設義學凡宗室有願讀書者均准入學肄業惟既導其向學之心若不寬以登進之路其才堪造就者仍不免置散投閒難求上進爲例奉省宗室雖有考取學生揀補宗室正副管長並准進京考選侍衛筆帖式與京學肄業宗室一體錄用之條而正副管長恆數十年始出一缺且赴京考選又苦於資斧爲難遂多中阻查京都各部司員均有宗室專缺從前奉省宗室人數無多所以 盛京五部並未設有宗室司員現得居宗室已有一千二百餘人移居宗室已有一百七十餘人今昔情形既不相同僅有宗室堂主事二缺升途未免過隘若不酌量變通則限於升途卽難期奮勉將何以資觀感而育人材奴才等查 盛京五部並將軍衙門所屬其額設筆帖式一百三十餘缺五部共設郎中十三缺員外郎二十四缺主事二十三缺現經公同商酌若由

滿洲筆帖式內撥出六缺京選主事內撥出兩缺京選員外郎內撥出兩缺京選郎中內撥出一缺作為  
宗室專缺在 盛京宗室中可開升途而於本處選無關與京旗選缺各員亦分缺有限擬請即於  
盛京五部額設較多之刑部京選郎中三缺員外郎五缺主事六缺戶部京選員外郎五缺主事五缺內  
以刑部京選郎中一缺員外郎一缺主事一缺戶部京選員外郎一缺主事一缺改為 盛京宗室題升  
題補之缺再於將軍衙門及五部滿洲筆帖式內各以一缺作為本處宗室考取補用之缺除舊答發遣  
移居宗室本身不計外餘則讀書及歲者均准與官學生按照考試舊章一體考試滿漢文藝由筆帖式  
遞升主事員外郎中其未經升補之先仍由吏部照舊選補似此變通較為簡易惟此項改設之缺原欲  
培養人才嗣後凡遇缺出應請專用考班人員以勵讀書上進仰副 朝廷作育宗室之至意如蒙 俞  
允其應如何定缺題選計俸升補各章程相應請 旨飭下宗人府吏部核議施行 上諭崇厚等奏遵  
查奉省情形在京宗室難以再議移居著即毋庸辦理至所請將舊居及原移居宗室變通升途一節著  
宗人府會同吏部議奏○李鴻章奏前福建巡撫丁日昌春間請假在籍 臣因晉豫奇災賑款無措稔知  
該前撫臣素以救民為心又熟悉南中紳富呼應最靈函請力疾就地勸捐助賑該前撫臣接信後義形  
於色召集潮州香港一帶紳董竭誠勸募驟獲巨款各董事捐戶先索札諭實收為憑該前撫臣雖養病

聞臣自以受 恩深重時勢艱難不得不極宜緩急奏明刊刻關防印發實收俾昭大信昨接該前撫臣  
揭陽兩稱前後經手籌勸捐數除臺灣林維源等五十二萬元外潮州約三十萬元南洋香港新加坡小  
呂宋暹羅越南各埠十六萬元臺灣約七八萬元合計已逾百萬現仍廣爲勸助其任事之勇救災之誠  
卽此一端已爲人所難及惟既蒙 恩開缺各處紳商或已籌捐而未繳清或已領實收而未換照造冊  
頭緒紛煩亟須逐漸清理誠恐各捐戶罔知該撫臣業經開缺繳款不免遲延且距臣處太遠遇有專奏  
請獎事件未能及時核辦亦無以昭激勵擬請 旨准令該前撫臣於賑捐未竣之前仍專摺奏事俟捐  
務告竣再將前刻關防銷燬庶捐款可尅期繳解督檄嗷待哺之飢民稍有指望如蒙 俞允卽由臣  
咨行該前撫臣查照得 旨丁日昌賑捐事務准其專摺具奏○癸未諭左宗棠奏請將辦理糧運侵剋  
貪冒之參將革職訊辦等語提督銜記名總兵甘肅靈州營參將蕭兆元辦理包頭糧運局務經左宗棠  
飭令停採撤局乃竟任意遲延並不回營銷差經手各批軍糧多未運到並有侵蝕勒扣採買運腳等情  
弊急應澈底根究蕭兆元著先行革職歸案訊辦○甲申以載齡爲體仁閣大學士○會國荃奏徵臣待  
罪替疆已逾一載上年四月暇任卽值過省奇荒本地錢糧既無涓滴之入而出款反較往歲爲增倉皇  
補苴朝不暇夕仰荷 皇太后 皇上如天之仁凡遇中外臣工爲民請命無不立予 恩施甚至臣下

思慮所未及已蒙 廟謨籌畫於幾先 敷天厚澤曠古無倫用是感召 天和挽回浩劫臣髮灼之餘  
彌深懷惕獨居默念通籌時局值 帑藏之懸罄病民氣之大傷恐仁政有時而窮則善謀不可不豫謹  
就管見所及目前切要事宜約有三端請爲我 皇太后 皇上陳之其一爲清盤荒地也此次大祲之  
後丁壯轉徙他鄉老弱填委溝壑災重之區十室僅存二三次亦不及五六荒田廢地無邑無之急宜招  
徠開墾免致額賦虛懸惟直隸陝三省鄰封皆歉流亡之戶或客死而不歸接壤之民多自芸之不暇是  
招徠既非易事卽開墾亦徒託空言 臣擬檄飭州縣先就有主之田酌給籽種假貸牛力其力能自備者  
無庸與此外無人地畝卽責成地方官督同公正紳耆按畝清查另立冊簿一面出示鄰境勸其來耕如  
實係死亡絕戶及寄居他處者待至今年秋後不歸准令本戶近支承種次及遠族或支派遠近相同則  
以輩分年齒長幼爲序本族無人方准同甲同村或因同村人少亦許外村外縣外府客民領種其承佃  
之法由鄉約社首稟明地方官給予印票交佃戶收執或值本戶歸來當年新穫之糧除納賦外悉予承  
種之人應俟明年播種之時方許認回倘耕至五年本戶不回卽由該族戚村甲承爲承業蓋晉省地多  
磽瘠人工牛力所費不貲若竭力以芸他人之田而本戶坐收現成之利轉使承種者工本無著既失持  
平之義將生畏阻之心不能不設法招致者一也其二爲編造丁冊也溯查明制魚鱗冊以田爲經以戶

爲緯地丁之糧本分爲二地則永無消長丁則時有減增我 聖祖仁皇帝特賜浩蕩之恩 諭令天下  
丁冊以康熙五十年人數定爲常額續生人丁永不加賦 世宗憲皇帝又以各邑丁糧攤入地糧自雍  
正四年迄今百五十載率土無田之民永免追呼之累獨山西一隅辦理稍歧乾隆年間經前撫臣覺羅  
石麟暨臣古慶寶御史姚成烈戈澍等先後條奏請併丁於地屢次推廣猶未能改歸一律按之冊籍有  
全未歸併者二十餘州縣有量歸十分之二三者三十餘州縣歷任牧令因賦稅之額有常考成之典喫  
重遂不復計及丁口之盛衰但論額徵之多寡循例徵收小民迫於催科始則賣妻鬻子以供口賦者有  
之繼則逃入無何有之鄉官徇以無丁可徵畏吏議其婪黷者或攤甲村之糧於乙村之丁亦有之其  
循良者則徑代賠丁糧厚受公私之累遂致一蹶而不可復振比比皆是然則督民有無田之課州縣有  
賠糧之缺官民交困行之盟年猶受其病處此凶歲更何以堪持久不變殊非承宣 聖化之道也臣擬  
飭該州縣等另立科丁細冊按里按甲分戶稽核查明原額丁口若干現存丁口若干其缺額之丁無丁  
之糧應乞 天恩准予核實酌減至於有丁之糧則歸之於地以定永久之賦庶於 國計民生兩有神  
益如蒙 俞允 臣卽當派委委員會同該管道府詳細確查專案奏明辦理統候 聖訓遵行其三爲均  
減差徭也潮查漢制民閭二十而傅給徭役唐立租庸調法一年之中一丁出力二十日宋設徭役差役

歷代互有得失惟念北方差徭之重由來甚矣晉省右輔畿疆西通秦蜀車差餉差絀絀差絀絀於道州縣供億之煩幾於日不暇給車驛既資之民間役夫亦重之里甲其不能不擾累者勢也竊維徭出於賦賦重則徭重賦輕則徭輕而各屬辦理各有不同有閩縣里甲統年攤認者資眾力以應役其法尙爲公允有分里分甲限年輪認者初年攤之一甲一里次年攤二甲二里各年之差徭多寡不等即甲戶之認派苦樂不均至有豪猾刁徒恃有甲例累甲戶倒累戶之弊將其地重價出售而以空名自認其糧迨三五年乘間潛逃即本村亦莫知其蹤跡本甲既代賠無主之糧又代認無主之差貽害無窮控告無路如此而流於窮乏無依者不知凡幾官督土者莫不知民間疾苦由於差徭之重倍於賦也而無以蘇之此次若不廓清銅習以紓殘黎流毒伊於胡底特是大差固不敢貽誤積弊亦不可不除爲今之計惟有減差均徭之一法尙堪略爲補救擬檄飭州縣除各項大差持有傳單勘合循照常例支應外其本省差餉差委員向無定例者均遵通飭條款辦理其餘概不准藉端苛派如有擅索車馬者即將舞弊之人照例治罪並將該管官吏參劾至於虛糧認差之弊擬即乘此大釐一例釐正消除核減以後仍令閩縣按糧均攤不許分里分甲此宛彼枯亦不准飛洒詭詐張冠李戴庶幾事理得平稍合前賢因賦定役之義或亦補偏救弊之一端此三條係就現在急宜擇要興辦者舉其大概以備 聖明採擇至於應辦善後

事宜千頭萬緒多籌經費以招集流亡預備鉅款以填還倉穀整飭驍務以充裕課稅裁減練餉以贍養  
勁軍皆今年所必不可緩之事但非有財不能使百廢具舉亦非得人不能使羣策兼營除隨時奏明外  
臣惟有督率司道府廳州縣共竭愚誠斟酌緩急次第辦理以期仰副我 聖朝子惠元元之至意 上  
諭會國荃奏贛陳山西目前要務一摺山西值茲大祲之後閭閻瘡痍難復而應將應辦事宜妥爲經畫  
以培民氣而救時艱該省荒地甚多應卽詳細清查招徠開墾會國荃現擬酌給貧民籽種至無人地畝  
准其族鄰或客民承種分別辦理如本戶歸來俟次年播種之時方許認回倘五年內本戶不回卽由佃  
種之人承爲承業等語卽著督飭地方官實心籌辦務臻妥善我朝成憲將丁糧歸入地糧山西有未盡  
一律辦理之處著照所請按戶稽查將有丁之糧歸之於地並准將缺額之丁無丁之糧核實酌減該撫  
卽派委員會同該管道道府確切詳查奏明辦理該省徭役各屬攤派不同該撫所陳均減差徭以免此輕  
彼重並除虛糧認差之弊均著依議行卽著嚴檄州縣不准藉端苛派如有擅索車馬支應者卽將舞弊  
之人照例治罪並將該管官吏參處至招集流亡籌補倉穀整飭驍務裁減練餉各事宜并著隨時妥籌  
次第舉行用副軫念民依至意○丁亥上詣 奉先殿 壽皇殿行禮○己丑諭前據潘鼎新奏總督劉  
長佑祖庇楚勇等節當經諭令丁寶楨確查具奏茲據查明該前撫所奏或事出有因或傳聞失實惟提

督胡中和於催餉道勇一節並不查明潰勇數目劃清月日算齊口糧依數繳回乃含混支領將盤費一項空糧盈餘作爲遣散費需雖無侵吞情事實屬意存見好胡中和著斥去黃馬褂勇號以示薄懲知府魏鼎勳知州李光舒與在省各官往來徵逐飲食雖無饋贈串合各情殊屬不知檢束均著暫行革職交該督撫認真查看鹽法道沈壽榕與魏鼎勳等往來親密雖亦無饋贈串合各情究係不知遠嫌且平日聲名平常著卽開缺送部引見潘英章以曾任實缺直隸州知州人員借補同知與例既符著無庸置議劉長佑之子劉思謙既未干預公事亦未與官員往來及娶部民爲妾情事亦毋庸議劉長佑於魏鼎勳李光舒等與各官往來徵逐未能隨時覺察殊屬疏忽著交部議處○庚寅諭錢法所以便民用私銷私鑄例禁最嚴近來京師私錢充斥以致物價騰貴於閭閻生計殊有妨礙聞近京一帶多有匪徒私銷官錢改鑄漁利急應嚴拏懲辦著步軍統領衙門順天府五城御史直隸總督懷遵前旨各飭所屬一體嚴密查拏務獲按律懲治並著該衙門於京城各門認真稽查無任私錢偷運入城倘查有胥役通同舞弊得錢買放等情尤應嚴辦至各直省亦難保無匪徒私鑄情事著該督撫嚴飭地方官隨時拏辦以重國法○諭現在京師糧價昂貴八旗兵丁生計維艱加恩著將向放二成錢文之兵丁及閒散宗室覺羅等照現放章程賞給二箇月二成餉錢其向不搭放錢文者著戶部按照此次所賞二箇月二成餉錢之數

折銀賞給以示體恤○甲午諭何璟等奏本年四月間臺灣府城突被風災巡撫行署及北城垛口營內  
外民房等處多有坍塌傾折情形並傷斃兵民等語此次臺灣遭風究竟吹倒房屋傷斃人口實在若干  
禾稼民房及此外各屬有無被風之處各澳師船並商漁船隻有無失事著何璟葆亨將飭發臺灣道夏獻  
綸確切查明妥爲撫恤毋令失所○延煦奏據熱河道英謙詳署圍場糧捕同知韓培元詳稱查圍地原  
定課額上則地每頃徵銀五兩中則四兩下則三兩除正銀外無論上中下則每頃概徵耗銀五錢作爲  
裕課局辦公之用現在裕課局已奏裁撤專設同知經徵歲給廉俸工食銀兩則所徵耗銀自應隨正起  
運方符體制惟前定每地一頃加徵耗銀五錢不分上中下則未免難昭公允且圍內中下地多若不稍  
爲區別將來紛紛狡執尤恐難經久遠因查圍場地界與承德府平泉州豐寧縣等處均屬毗連承德等  
處經徵地糧加一徵耗今擬徵收圍課仿照承德等處徵收地糧之例每正銀一兩加耗銀一錢隨正批  
解使上中下則各昭公允且於庫款亦不無裨益此項地畝尚有轉佃之戶仍令呈報同知衙門換給印  
照不准私相買賣如有拖欠地課延抗不完者即將該佃戶驅逐出圍地畝入官以符奏案等語詳經該  
道轉詳請奏前來奴才覆加查核該道所詳頗屬公允且於庫款不無裨益與從前奏案亦屬相符下戶  
都知之○乙未諭御史孔憲毅奏河南吏治積弊已深請飭撫臣力求整頓一摺據稱豫省官吏向染河

工習氣競尙奢靡所辦公事繁多粉飾欺朦毫無實際其於民瘼略不關心地丁正賦任意虧空平時豫行坦災請緩將已徵錢糧私他處交代不結拖延歲時如遇恩詔寬放私改徵冊捏官徵爲民欠照例請免其或歷任年久虧空愈深上司亦慮更議分賠轉嚙忍而不舉發軍務告竣後荒地多已墾熟照舊納糧亦爲州縣私徵入己匿不升科錢漕淨收之外雜稅等項皆有陋規州縣之素性貪婪者又復苞苴通行以需獄爲生財之術草菅人命顛倒是非該省積習州縣之於院司道府皆有節壽季規門包等項並攤捐等款名目浩繁爲歷來虧空之山等語前諭令徐宗瀛訪查該省庸劣各員從嚴參辦茲據該御史所奏吏治積弊情形尙復成何事體徐宗瀛甫經到任務當破除情面實力整頓將各項陋規悉予革除攤捐各款酌量裁減錢糧嚴杜浮收差徭不准苛派力除捏災陋習申明交代限期清查墾荒已熟之賦嚴懲窩獄受賕之吏並隨時考察屬員將貪劣素著及才具平庸者據實嚴參懲辦毋稍輕縱○以德馨爲江蘇按察使○丁酉沈葆楨奏江蘇蘇松太道馮燧光前蒙 恩准賞假出關尋覓父骨本年扶柩東旋在陝西途次接奉 上諭飭令赴部引 見兼程馳歸遂於三月二十八日病故業經 奏明在案伏查該故道馮燧光廣東舉人咸豐三年在京會試其父因案繫獄奔走營護徘徊請室之外每至廢寢忘餐如是者六年迨遣戍伊犁隨同前往不忍一日遽離嗣奉父命回京應試同治元年前督臣曾國藩

檄調入營襄理軍事旋丁父憂間闕出塞山歸化歷蒙古地數千里烽烟迭警道梗不前維時直隸督臣李鴻章檄攝兩江創立江南機器局遴知其才檄委總理製造該道以父柩未歸涕泣固辭李鴻章勸以大義始出任事苦心經營有裨時局而思親飲泣未嘗一刻忘也同治十三年奉 旨補授蘇松太道屢請解職出關各前督臣均以西事未定道路難通慰留辦事該道盡心職守者兩年迭任艱鉅中外翕然光緒二年冬間聞烏魯木齊克復之信竭誠籲請開缺出關蒙 恩給假一年免其開缺該道冒暑遍行至三年冬間尋獲父柩扶柩東旋本年三月行抵九江稟稱感沐 天恩擬迅速歸葬後出効馳驅雖赴湯蹈火所不敢辭臣等以該道才堪幹濟方冀儲為大用備 國家干城之選不意從親地下實志無窮茲據署蘇松太道楷蘭生歷敘該道政績孝行稟請具 奏前來竊思該道贊襄戎務製造船械經理關務無不心精力果度越恆流然皆職分當為之事未足上瀆 聖聰獨其孝思純篤茹痛半生辭職遠行負骨萬里至情至性足以感動行路古人棄官尋親往往播諸史乘傳為美談 聖朝以孝治天下凡閭閻士庶著有至行者均荷 恩准旌揚該故道馮煥光孝行純誠卓然眾著合無仰懇 天恩宣付史館以彰至行出自逾格 鴻慈 上諭沈葆楨奏已故道員孝行可風懇恩宣付史館一摺前任江蘇蘇松太道馮煥光前請開缺出關尋覓父柩當經賞假一年免其開缺茲據奏稱該故員辭職遠行負骨萬

里積勞病故實屬孝行可嘉著照所請准其宣付史館以彰至行○乙亥 上詣 太廟行禮○壬寅撫  
卹朝鮮遭風難民○諭前於五月初一日寄諭李鴻章等將管轄兩省及直隸河間等處成災州縣本年  
下忙錢糧應否普行蠲免其餘毗連災區勘不成災地方有無應行蠲緩錢糧查明具奏又因河間獻縣  
等處間有蝻孽萌生於五月十五日復寄諭李鴻章速即查明飭屬搜捕其餘各屬隨時認真飭查旋據  
曾國荃奏稱該省本年下忙錢糧俟夏秋初再行體查情形核實辦理直隸河南尚未據該督撫查奏  
朝廷軫念災黎實深慮繫現在將屆下忙開徵之時吾民困苦顛連何堪追呼徬迫所有直隸河南被災  
等處本年下半年下忙錢糧如何分別蠲緩著該督撫懷遵前旨速行查勘奏明辦理河間等處蝻孽情形著李  
鴻章迅即查奏山西一省應如何核辦之處曾國荃仍當速查明確據實奏聞○乙巳 萬壽聖節 上  
御乾清宮受賀○上詣 大高殿行禮○丙午 上詣 壽皇殿行禮○戊申以孟秋時享 太廟 上  
前期親詣行禮○是月日斯巴尼亞國使臣伊巴里由暹羅回任

光緒二十三

臣朱濤朋敬編

臣沈彭年恭校

秋七月庚戌陝西布政使蔣凝學以病免○以王恩沂爲陝西布政使胡玉垣爲安徽按察使○辛亥給事中夏獻綽奏外省同知通判均係閑曹近來有以同知通判署理州縣者雖經酌量委用究屬有礙成例夫民社重任也試用佐貳人員於刑錢要務素未諳悉且多由捐納出身一經分發到省輒希冀委署正印百計營謀若漫無限制不特委署班次龐雜尤恐貽誤地方關繫非淺應請飭下各省督撫明定章程嗣後試用同知通判不准委署州縣等缺以昭慎重而杜巧宦上諭給事中夏獻綽奏試用同知通判不准委署州縣等缺請明定章程等語著吏部議奏○以潘蔚爲湖北巡撫杜瑞聯爲雲南巡撫○克蒙額奏甘肅自軍興以來內地驛路梗阻經費奇絀曾經前任寧夏將軍慶昫於同治二年間在阿拉善旗地奏設蒙古臺站轉遞摺報接運軍火餉鞘悉臻妥協光緒二年因北路游匪肆擾蒙地艱行深恐驛摺各差致有疎虞節經奴才等奏明改由內地行走案具時新疆軍務尙未告戢是以未便率議裁撤現在關內外一律肅清內地驛路漸次暢行所有阿拉善旗地各路安設蒙古臺站擬卽一概裁撤以

示體恤而免虛糜下該衙門知之○壬子黃體芳奏近來屢因言官條奏 諭令督撫將各項陋規革除  
仰見 聖主澄敘官方之至意竊惟外省陋規原非一致惟取之屬員者最爲吏治之害各省名目不一  
或名節壽到任禮或名季規或名薪水或名幫項早午督撫頗有收受節壽等規者今日督撫尙少此事  
藩司或有或無各省不同至臬司及道府無不仰給於此近年惡習卑詭州縣則多送見好求勝前人資  
橫大吏則額外誅求善地由少而多瘠區山無而有而屬吏狡黠者卽以此挾制上司以致道府表率徒  
有其名控案不能提劣員不能揭況藩司專升調補署之樞臬司爲刑名生死所繫一受其餽遺則委撤  
必至瞻徇招解不便黜陟吏事民命尙堪問哉此各省所同正不獨河南爲然也然歷來言官彈奏者多  
矣屬員計告者有矣從未聞督撫以此劾去一人者如果有而不參則疆臣又豈盡皆豐贖祇以軍興以  
來廉俸減成加以攤捐坐扣多者得半少者僅一二成辦公實有不敷夫伯夷原思古今有幾故大吏亦  
祇聽其自然沿襲敝俗半明半暗不公不私登奏則力辨而僚屬相對則昌言不諱也居局外則詆斥  
陋規而及其身爲外吏則收受亦猶前人也有本心者嫌於究非義取含垢而從時強有力者恃其稍異  
職私求多而無忌今者仰蒙 聖諭諄諄果能從此認真查禁一律革除自屬極美盛舉特恐大吏處此  
動多窒礙仍不免視爲具文陽奉陰違藉屬員不便之詞爲自己濫收之地雖日勞 申儆而厲禁虛懸

度斷非 朝廷實事求是之意也 臣愚以爲 聖明之世宜令大小官吏光明不欺既不取覬覦曖昧之財亦不受辦公竭蹶之累貪暴者無從多取潔清者有以自存但陋規之中頗有區別院司之患在乎上官加增道府之患在乎屬員挾制若督撫廉俸本厚藩司皆有平餘用度綽然此斷不可稍取於下者也臬司道府此宜量爲變通明定限制者也伏查前湖北巡撫胡林翼奏定折漕裁汰浮費爲糧道州縣明定贏餘從此漕弊一清官民兩利 文宗顯皇帝手詔批咨謂其祿百年之積弊甚屬可嘉付國藩督兩江沈葆楨撫江西時核定錢漕將通省陋規裁定名曰公費州縣用公贍分解至今江西吏治肅清上下稱便左宗棠督閩浙時亦將閩省陋規裁定立案近來安徽亦將各衙門陋規裁定解司轉發通省均分名曰津貼闕敬銘撫山東時力裁攤捐寬留坐支州縣虧空遂少此諸臣皆近日所稱公忠體國通達治體者也而所辦大率如此何哉寓裁制於體恤之中公事公言各有定分是卽所以教廉也事求其禁令易行法期於中人能守而不以矯情無賦之語欺飾 朝廷是卽所以教忠也既有舊轍可循成效可考擬請 勅下各省督撫悉心核議咨取江西福建安徽章程體察本省情形酌量采擇仿照辦理將向來節壽等陋規名目永遠裁革除督撫藩司無論舊日有無概行禁絕外爲臬司道府酌定公費其數以二三十年前舊規爲準過多者量加核減取足辦公而止尤不得以近年加增者爲憑令州縣用印文徑解

各該衙門奏明立案敢於定章外多受一錢者以職論督撫治以徇囑之罪至於攤捐各款未必盡歸公用多入藩署私囊前已有 旨飭令裁減並請 嚴飭痛加刪汰令將裁減幾何勒限覆奏立案以後許減而不許增庶幾廉者有養貧者有制下知敬懼上峻風裁夫 國本在民民命在州縣必使州縣不重累而督察州縣者各舉其職則州縣治矣方今民生日困吏治日偷若不為之分別裁定誠恐道府以下之忍恥收受者自若而兩司以上之挾勢加增者將無底止倘蒙 旨飭議法在必行正名核實一洗百年之積弊則吏治蒸蒸日上誠所事府左馬子黃體芳奏各省陋規有妨吏治請飭分別裁定一摺外省各項陋規本干例禁據稱近年司道府多有收受節壽等規情事以致賄徇情面於吏治民生大有關係等語各省司道府均有考察屬員之責自應整躬率屬以肅官方若如所奏陋習相沿銖兩不成事體著該督撫嚴飭所屬將各項陋規悉行裁革務令地方官吏咸知潔己奉公以期吏治日有起色倘有仍蹈前轍者即著隨時奏參懲辦其所請酌定臬司道府公費飭令各省咨取江西福建安徽章程仿照辦理等語著該督撫體察各該省情形悉心籌議具奏至攤捐各款並著力加裁汰即將如何裁汰之處奏明立案以昭核實○以升泰為雲南布政使增壽為浙江按察使○以王之翰為內閣學士○諭曾國荃奏藩司衙署不戒於火請將著藩司議處一摺本年六月十三日夜間山西藩司衙署不戒

於火燒燬住房十一間雖經即時救息究屬疎於防範著山西布政使河東道江人鏡著交部照例議處  
○沈葆楨奏准部咨議擬翰林院編修劉海慈奏請准鹽每斤暫加贖銀三文奉 旨敕部查核茲據連  
司詳稱以斤計引每斤三文每引合錢一千三百文南鹽以五百引爲一票每票須繳錢九百員分計似  
少合計實多加於售價之內則病商加於售價之外則病民均屬窒礙等情臣伏查權鹽以疏銷爲主而  
疏銷以輕本爲先淮南自定新章鹽釐爲數頗重迭經前督臣曾國藩一再奏請酌減尙未能收敵川之  
效倘加釐而銷滯將並正餉而虧之病商病民其究終於病國除川鹽能否加釐應由川楚督撫酌量  
情形具奏所有准鹽礙難暫加贖銀緣由理合覆陳伏乞 聖鑒報聞○癸丑翰林院侍講張佩綸奏臣  
伏聞閣抄見吳觀禮先後兩上疏竊歎該編修遭際 聖明得盡發其忠愛而又感 皇太后 皇上之  
採擇施行爲能趨言必察也天下事言之匪艱行之維艱不可行無論已若言本可行而其意或未盡明  
言即已行而其法或未盡備則雖行與未行等而後之人或終議其言之本不足行也是不敢不反復言  
之以備 朝廷之宏納如吳觀禮疏中所請激勵臺諫已行者也海關改章不行者也內諭部務外論舉  
司則行未盡行者也然深味其言要皆可行於今日夫該編修所請激勵臺諫非獨開言路亦以勵人才  
也我 朝慎耳目之司姚文然李之芳施維翰等皆以言事擢任督撫大僚卽沈廷芳金溶因挾私降革

尋猶復原官而浙江科道以不彈本籍大吏停升明保文惠等以多病戀職一無條奏開缺都御史庭音行察典不効疲曠之員下部議處 成憲昭垂所以重諫職廣聰明也至矣 垂簾以來優容直諫務崇寬大破格之舉則亦持以矜慎此誠 聖王循憲大臣守紀之盛也然而可以喻賢俊不可以鼓中材夫天下亦中材多耳安所得汲黯馬周者盡列御史哉惟 聖人有以造就之使仰而企焉所謂激勸之道也今內升則循資 京察則照例截取則可捐俸言不言初不問科道自視與部屬等而激勸之道亦敝矣 朝廷知其然也於該編修奏入 特飭諸 確切指陳責其揣測戒其緘默然風尚日靡豈空文之所能振哉竊謂激勸之樞主之 朝廷而輔之臺長 國家設立都御史以糾繩獻替為職職在臺規比年以來當是官者則以為侍郎轉尚書之階京堂轉侍郎之階耳編檢部郎欲求補外則就臺諫以升轉引 見宜開列陳奏事件者也則平日浮摭毛舉充數塞責以 京察一等必轉京畿河南道巡西北城也轉道視資俸奏派巡城則樞在臺長或亦講聲氣冀識拔夫臺長第雍容朝列未嘗公言得失亦何以責科道而所持以鼓舞御史者保巡城應察典耳三載考績巡城已三易矣現任得上考則前者向隅交替或在秋冬新者逸而得鵠者勞弗償愈無以為勸夫官以諫名而殿最乃規之於勸惰之末且並其孰勤孰惰亦不能課其勞以署考是法輟轉而失其本意又何以誘之使昌言謫論哉伏乞 飭下都御史

等力整臺綱躬爲倡導勸接科道共議匡時之略其有嘉謨碩畫足裨實用者西北巡城缺出列備 簡用並核定京察章程無失設立諫官初意以昭公允而勸忠讜其營私溺職者劾罷之勿使充位尤願朝廷仰稽故事神黜陟之用妙鼓勵之方養其威懷大其志誠使列臺端者均不甘自處於中材而所以發正勵貞之法始盡至於潔其流必清其源部院之保送御史宜慎其選也理其緒必振其綱都御史之升調宜重其任也 聖心幹運於無形數十年中臺諫才不絕天下無患矣海關之弊禁書吏家丁無益也該編修之意重粵海 朝廷之意亦重粵海臣今請會粵而言閩夫欲改法必先得改法之人督撫而畏事也不能更改矣張夫奪將軍之利結怨於同官也督撫卽不畏事而將軍者或自私其利不務益上則必爭持驟議改之且竭力干請督撫其陳其不便狀積習然也今慶春之歷任也單車就道不挈眷屬知其廉潔自勵矣彼其心或不欲脂膏而澗然未得 上命遽言更張人必議爲矯飾萬一盡弊所入或獻上或贍軍特一時私耳難概後來臣固不敢謂所聞之盡足憑也然將軍如此必不私利可知督撫處此必不畏事可知若姑以改章之利否 垂詢慶春何璫等度必有以報 陛下也邇來度支不給餉軍則稱貸洋商賑民則藉資紳富多方挹注未必悉循舊章江安道庫歲節二萬餘金亦議解部若閩關改制所益奚啻倍蓰且權稅舊歸督臣因時制宜張弛並非變法有百利而無一弊惟 聖明裁度之部務

之弊夫人知之矣舞弊由胥吏防弊則在司員故欲防弊非定期不可定期非輪值不可輪值非酌予獎敘不可該編修意以樞垣匯六部之事兩班章京典之剋期可理乃以一部司員辦一部之事動輒曠日其故何哉一以人待事一以事待人也 朝廷既允其言 諭該堂官定稿題奏限以時日司員量予獎勵匝月未聞議覆是仍未奉行矣比來曹司類滯額外行走或數百人數固浮於書吏也吏據要地官則冗員賢愚不別久亦頽廢即或听夕趨公練達能治事終限於俸年無破格敘勞之舉竭十數年之勩瘁敘補矣而他案出力者輒躐其前人情不共相遠胡為安拙者之効而獨勞勞鞅掌耶 朝廷誠將該編修原奏交部妥議 飭該堂官接見僚屬秉公拔尤以若干人爲一班分班輪值各司各股專其責成懍遵 前有迅將定稿題奏日期及如何量予獎勵定章請 旨一經奏允倘逾限請展其堂司官職名由稽察之科道參治應効不効同坐行之數年權收於上弊絕於下部務必且整肅夫刑部提牢報滿稱職者拔補疎防者議處誠重之也則豈使各部司員皆有所藉手以自効計功論賞俾壹志勦職不競他途有不任者罰即隨之則才俊益奮勵以圖甄拔轉移風尚磨練人才胥在乎是豈獨絕吏胥之弊已哉唐劉晏領租庸檢効出納一委士人吏行文書而已 國家立軍機處則並文書而任之章京近且推行於總理衙門今欲起各部之鋼習師其意而用之迹若創法則因似亦無妨於變通也該編修之論行省也

治獄之弊洞然矣諸益進之夫二人約一案杜諉卸稽留也先充其意即以一案責之一人亦何不可部  
選者留獄局旋履任矣次者入獄局或酌署矣其旅進旅退旋出旋入則兼營他差誰顧日日與繁囚  
相對哉且折獄貴審治獄貴速久則諸張益甚故獄垂其矣經前後交替情偽轉紛無論才有明暗也即  
盡明決不已延宕乎請審為令曰派一案不請委署毋委雜差其或袖官止勿之任積勞者例酌拔矣  
不當結而結民稱冤者即任所差所撤回覆獄平復其傳否則如是則發審之法密矣旬報之設妄  
駁弊猶輕也莫重於牽結新案既牽結舊案又往往牽銷京控發省省控發府府控發縣防刁健耳乃州  
縣患越訴之累已也輒不迭傳原告莫遷地可平反也亦延不到案至則滿例請銷請銷贖市上上控亦  
隨之名為清結實則粉飾夫粉飾豈治獄本意然而考成轉不及法亦縱矣請審為令曰民上訴者下縣  
後視獄輕重立限責傳訊兩造抗傳者旬報備書之留核官故不傳以積壓論其案重大者不入旬報如  
該編修請寬以時日常訟不依限者飭之如是則旬報之法密矣該編修傳官刑曹習獄事既從軍閫粵  
燕奈問功至道員益察民疾苦備知官吏之情僞此其大略也誠冀將該編修原奏並臣所引伸者 飭  
下疆臣率臬司各就本省情形安定發審旬報章程務臻詳密或亦 清問下民之意哉該編修拜疏後  
即請假省親未行而以疾歿病中篤念時艱伏枕呻吟誦昔 君國嘗參左宗棠軍事故於西城郡縣言

之再四以關東根本地邊防當留意雖舌塞語澁猶喃喃不已復舉當世要務如練才恤民理財海防諸大政欲手疏條析之然不能成字矣公卿問疾者皆爲感泣而其疏中未竟之緒未死以前與臣道之尤詳夫雉死而羽見用馬死而骨見收况吳觀禮之亮直忠純始終不渝其志者乎竊念今年以來文瑞上孫嘉淦之言曾協均閩將琦齡之奏今吳觀禮雖官止編修而靖獻之忱豈關名位臣又親見其平日之樸忠臨役之懇惻若竟抑不上聞此引嫌避咎之心亦何以仰對君父用敢采其遺說疏通證明錄上 黼座冀 朝廷鑒其愚忱並將該編修前進兩疏時 賜省覽使中外聞之益思忘身以報 上臨表悽悽不勝感激謹昧死以聞 上諭前據翰林院編修吳觀禮先後條陳時務業經降旨宣示茲據翰林院侍講張佩綸奏引伸編修原奏四條請旨施行一摺所請激勵臺諫等語科道爲朝廷耳目之官居是職者原應遇事直言不得自安緘默近來言官陳奏事宜有可採擇者無不立見施行正以作敢言之氣至巡城兼理民事京察備磨外任必須視其才具之短長差使之勤惰以備簡用若如該侍講所奏都察院堂官專以科道能言與否爲考核人才之據亦屬一偏之見嗣後都察院堂官於巡城差使務須擇選委派不得稍涉瞻徇京察章程本甚周密惟在該堂官秉公保薦不必再定新章致涉紛更該侍講所請核定京察章程之處著毋庸議又據閩海關稅務司改歸督臣等語是否可行著慶春何璟會商妥

議具奏又據稱大部司員請拔尤分班輪值並定題奏限期及獎懲章程等語大部事務紛繁分隸諸司各有專責司員皆當常川到署藉資練習且承辦之事有應一手經理者若分班輪值轉多窒礙所奏固不可行題奏事件例有定限各衙門堂官惟當申明舊章實力整頓毋任遲延積壓至司員承辦事件本係分所應爲其當差奮勉者或過缺題升或京察薦舉或截取知府保薦煩缺皆足以資鼓勵若怠玩誤公之員本當據實參劾該堂官果能考察功過核實辦理卽所以示獎懲若必另定章程勢必各衙門紛紛保舉資格可以盡廢適開踴進之階所奏亦不可行各直省詞訟案件自應速審速結無如玩愒成風積案累累拖累無辜在所不免著各該督撫督率臬司各就本省情形妥定發審旬報章程認真辦理毋得視爲具文○科布多參贊大臣保英以病免○甲寅王道源奏上伏見我國家整飭庶務大部分理煩曠悉著有定例昭垂久遠又每屆十年開館增修一次以期隨時變通是於率由舊章之中復寓因時制宜之意所以著成憲而資法守者至詳且盡矣無如奉行日久流弊漸滋例載本極美備而承辦堂司意見或歧不免有畸輕畸重之端迨比例定稿稍有游移又不能無出此入彼之候微忽之際胥吏得而乘之其有分曹新進及公事粗疎各員展卷紛煩句指不易勢不得不假手胥吏而胥吏益得高下其手故例至今日而橫備弊至今日爲最多臣愚以爲爲今之計不患例之未備而患例之太煩現值各衙門

興修則例擬請 飭下各該堂官督率司員悉心檢校將歷年應行增輯稿件逐細參核擇要錄入至舊

例中應行酌改者亦卽詳慎釐定其有例所未協案涉兩歧者嚴加刪汰合併以去煩苛而歸簡要庶人

人知有定例可遵雖巧猾之吏無所用其朦混而積弊漸就肅清矣 上諭給事中王道源奏部例日煩

請飭刪併一摺大部則例向屬十年增修一次自應詳加考定參酌適宜著各該堂官於興修則例之時

將率司員悉心檢校將應行增輯稿件擇要核纂至舊例中有應酌改者亦卽詳慎釐定其有例所未協

案涉兩歧者卽行刪汰合併以歸簡要○以清安爲科布多參贊大臣○丙辰諭劉長佑奏請將專摺擬

累之參將革職提訊等語提督銜記名總兵雲南鎮雄營參將張潤增將牛街知事衙門管押之盜犯左

老六等殺戮二名釋放四名又藉查團爲名苛斂使費並有擅理民詞情事實屬膽大妄爲張潤增先行

革職提同應訊之千總施文質等嚴行審訊按律懲辦該部知道○庚申 上諭 慈寧宮行禮○雲南

提督宋國永卒照軍營立功病故例 賜卹○癸亥 上諭 奉先殿 壽皇殿行禮○甲子諭內閣侍

讀學士吳廷芬奏緝查安徽殉難紳民婦女開單懇請旌卹一摺安徽各州縣於咸豐年間匪滋擾該

處紳民人等或禦侮捐軀或罵賊遇害均堪憫恤該侍讀學士籍隸安徽見聞較確所有單開之藍翎把

總劉賴平等二十五名口著該部查明照例分別旌卹○乙丑 上諭 奉先殿 壽皇殿行禮○丙寅

諭戶部奏遵議穆隆阿所交右翼監督盈餘銀兩一摺所交盈餘銀一百四十九兩零著交廣儲司穆隆阿短收額內盈餘銀兩應得處分著加恩寬免○諭戶部奏遵議克興阿所交左翼監督盈餘銀兩一摺所交盈餘銀五百八十八兩零著交廣儲司克興阿短收額內盈餘銀兩應得處分著加恩寬免○丁卯諭梅啟照奏本年五月間浙江金華衢州嚴州三府屬因深山發蛟同時被水有淹斃人口冲失房屋之處當經飭屬設法拯救並開倉平糶撥給錢米現在天晴水退民心尙爲安定等語所有該三府屬被水冲塌田畝應及時挑復補種秋禾著梅啟照確切查明分別辦理其被災戶口並著妥爲撫恤毋令失所○李瀚章奏湖北省城昭忠祠係咸豐九年前督臣官文等建造所有陣亡殉難官紳弁勇均經入祠嗣於同治九年復經紳士稟請建祠合祀前督臣吳文鎔等十六員奏明遵辦在案昨據巡閱水師前兵部侍郎彭玉麟過鄂面稱昔年粵逆之亂湖北省城三次失守旋即克復楚軍出力最多現在曾國藩胡林翼羅澤南李續賓李續宜等仰蒙 勅建專祠而所部將弁勇丁或血戰捐軀或攻城死節均屬忠義無虧該侍郎擬邀本籍官紳在於湖南會館左近另建楚軍水陸昭忠祠一所以垂久遠而慰忠魂所需工費概由捐集不敢動用公項商請具奏前來 臣查該侍郎所陳係屬湘省義舉倘蒙 俞允可否 勅部列入祀典由地方官春秋致祭出自逾格 天恩得 旨如所請行○戊辰諭左宗棠奏現辦禁種鴉

粟情形請將查禁不力及實在出力各員分別懲勸各摺片栽種鴉粟有害民食例禁禁嚴此次甘肅經  
左宗棠等督飭司道設法勒禁已著成效辦理尙屬認真所有查禁不力之儘先題奏道寧夏府知府李  
宗棠業因另案撤任著暫行革職併案查辦候補直隸州知州代理寧夏縣知縣胡韻蘭著撤銷請補  
州直隸州知州之案查着酌量另補靈州知州孫承弼卸署平羅縣事兩當縣知縣任懋修卸署中衛縣  
事礪伯縣知縣邵杜均因另案撤任著併案查辦寧朔縣知縣黃昇連失察縣境栽種鴉粟撤任後旋即  
查拔淨盡著免其置議開缺另補其查禁尤爲出力之寧靈縣同知喻光容著賞加知府銜署中衛縣知  
縣劉然亮著交部從優議叙署寧夏府知府張家槐署平羅縣知縣呂恕代理寧夏縣知縣李日乾代理  
靈州知州德蔭均著交部從優議叙署甘肅寧夏鎮總兵馮南斌督飭兵勇隨同鋤拔甚爲得力著交部  
照一等軍功例議叙餘著照所議辦理各省裁種鴉粟前經諭令嚴行查禁仍著各該督撫實力奉行分  
別懲勸毋得視為具文○庚午江西巡撫劉秉璋奏請開缺養親允之○辛未以李文敏爲江西巡撫彭  
祖賢爲江西布政使○以周家樹爲順天府府尹○命王文韶周家樹在總理各國事務衙門行走○壬  
申諭都察院奏近來各省控案多有相驗遲誤地方官並不親往者請飭確遵定限等語人命重案地方  
官宜如何迅速驗明詳慎辦理如報案後遲延日久草率從事甚至委令雜職武弁以致弊竇叢生尙復

成何事體嗣後刑部於地方官相驗均令確遵程途遠近定限卽於詳報時隨案聲明倘有遲延逾限及率委佐雜人等代驗者著嚴加處分各直省卽一律遵照辦理熱河及東三省弊端尤甚著該將軍都統益加慎重毋任屬員等再蹈積習○奏西諭戶部奏酌核省募軍截餉請飭再行酌辦一摺前因山西荒旱成災賊匪竊動會國荃奏調劉連捷募勇五千人來晉助剿朝廷卽深慮餉項難籌諭令該撫飭其先募二三千人藉資資助現在晉省得雨深適人心稍謐諒無須多留兵勇致費餉需戶部以劉連捷所募之軍如果得力則練軍可撤張樹屏軍亦宜裁以所裁餉銀抵劉連捷新募之營之餉卽著毋庸截留各路協餉並以下忙錢糧俟徵收後仍將應解京協各餉趕緊撥解所籌甚是著會國荃悉心酌度奏明辦理○甲戌諭李鴻章奏外省捐局請改咨獎爲奏獎一摺據稱各省捐局向係分別奏咨請獎咨獎之案挪後移前委員易上下其手臆捐之商人輒先行捏名報捐旋赴部呈請移獎流弊甚多亟應變通整頓等語著照所請無論何省捐輸均改咨獎爲奏獎其有奏案未到僅咨送冊者一律暫停核獎至所稱奏獎之案亦由戶部發照摺內僅聲叙報捐名數無庸繕具清單另將詳細清冊咨送戶部何省設局卽由設局省分之督撫出奏各節均著照所議行該部知道○黎培敬奏臣因黔事艱難餉需支絀奏請於山東河南兩省設立黔捐分局以濟要需等情經部議准以接到部文之日起限扣算已屆一年期

滿自應遵照辦理惟河南一局因豫省賑災無款經河南撫臣奏准將賑捐分局加展半年所收捐款先儘該省賑濟之用應俟豫省賑捐停止再行起限至山東一局據該局委員知府付彥銓稟報光緒三年十月初九日開局試辦至今市及半載收捐如何情形未據報解如照部臣定限於賑事仍無補救現在各省協餉撥解寥寥有統年分釐未解者而本省防營勇餉綠營兵餉及善後經費需用又極浩煩不得不賴此捐項稍資挹注合無仰懇 天恩俯准將山東賑捐分局展限一年以濟急用之處出自逾格鴻慈特 旨如所請行○乙亥諭惠郡王奕詳之第一子著命名載潤○諭曾紀澤著賞戴花翎派充

英國法國欽差大臣○命候選道李鳳苞署理出使德國欽差大臣○是月祕魯國使臣愛勒謨回任八月戊寅朔御史李廷鑑奏現在中原無事各省留駐營勇原以備豫不虞至民間事件應由地方官照例辦理近來各省州縣竟有平日不能撫字甚至肆意徵求百姓稍違所願或出怨聲輒誣指為抗拒率請派營彈壓撫備未加察照請調派武人志在邀功不問事之是非妄加勦洗必至激裂啟畔枉殺無辜又有帶兵武員無知喜事遇有迹涉可疑及仇隙之人即指為叛逆巨盜未經督撫詳具審明分別辦理擅用刑訊誅戮以致獄盆含冤此等弊端貽誤甚大詎知兵刑者 朝廷之大柄非臣下所能專應請旨通飭各省督撫嗣後不得輕派營勇擾累鄉民及任令武員專擅殺戮如所屬員弁有賊虐無辜致

誤事機者卽照專摺誣殺按律懲治倘該督撫未能查察或縱容徇隱亦卽分別從嚴懲處以重人命而靖地方 上諭御史李廷鑑奏近來各省州縣往往因誅求百姓不遂所欲輒指爲抗拒率請派兵彈壓武弁志在要功妄加勦洗又有帶兵武員遇有跡涉可疑及仇隙之人指爲叛逆擅用刑誅流弊滋多請飭嚴禁等語各省留駐營勇原以預備不虞藉資征調著如所奏各節轉致貽害鄉民殊堪恨嗣後各直省督撫不得輕派營勇致滋擾累並嚴禁武員專擅殺戮如所屬員弁有賊虐無辜者卽照專摺誣殺律懲治倘不認真查察或縱容徇隱定將該督撫分別懲處以肅營制而定地方○諭御史李廷鑑奏請飭禁宰耕牛等語耕牛可助農力民食攸資近來小民私自屠宰殊干例禁著各省督撫飭令地方官嚴行申禁如有吏胥賄縱需索等弊卽行從嚴懲辦○己卯記名提督劉廷向卒 賜卹如例○諭劉坤一等奏請將剿匪出力各員獎勵等語廣東廣州協副將儘先副將鄧安邦於本年進剿佛岡屬城亦能得力著交軍機處記名遇有總兵缺出請旨簡放調署南韶連鎮總兵鄭紹忠撥隊會剿生擒首逆奮勇可嘉著加恩賞給白玉搬指一箇白玉柄小刀一把大荷包一對火鏢一把該部知道○庚辰諭李鴻章奏永定河北六工漫口在工各員分別參辦並自請議處一摺據稱本年夏雨時行河水迭長經該河道等實力防堵伏汛尙稱平穩自七月二十二二十二等日晝夜大雨上游諸水匯漲洶湧異常二

十二日戊刻雨水如注水又陡漲北大工十四號漫過隄頂三尺大溜汎猛人力難施遂致漫口等語永定河工漫口雖由夜雨溜猛所致在工各員究未能小心防護咎無可辭北大工霸州州判鄒源蕃即行革職北岸通判江愷著革職留任永定河道李勛儀統轄全河疎於防範著革職留任以示懲儆李鴻章督率無方著交部議處即著該督嚴飭在事員弁迅將決口趕緊堵築毋稍延緩其上游各屬汎並著加意防護被淹地方即由該督督飭撫恤毋令失所○壬午諭榮祿奏病未痊愈懇請賞假調理一摺榮祿著賞假一箇月調理工部尚書著景廉兼署步軍統領著成林署理左翼總兵著志和署理○乙酉諭理藩院奏題本內漢字夾片錯誤請旨更正並自行檢舉一摺所有察哈爾咨報拒捕傷人賊犯根敦等越獄脫逃一案著將根敦照擬絞監候秋審緩決拉木蘇離調發伊犁給兵丁爲奴餘依議其漢字夾片將賊犯根敦誤寫爲賊犯拉木蘇離實屬疏忽承辦司員著交部議處該衙門堂官失於覺察著交部察議至內閣票籤看本之中書侍讀未能將題本詳細查對著交部議處未經看出之大學士著交部察議○丙戌董翰奏近年因各省災荒諸臣以清理庶獄陳奏者無不仰蒙 俞允立飭遵行而各省訟獄卒未能清理者以州縣之不得其人也蓋訟獄之興皆始於州縣苟州縣得人無論何案一經投控卽迅予聽斷持平連結民既無艱留待質之苦又免需索供應之繁復何致有怨毒之氣上干天和無如現在各

省州縣中大半志在利己而不爲民求其關心民瘼者十不獲一遇命盜重案不能消弭即故意留難必令被害者相戒弗控而後快至尋常詞訟案件輒視爲小事而置之不知官之所謂小事卽民之所謂大事鄉村小民畏吏如虎一涉訟事男屬於途婦歛於室輟耕罷織舉家無不驚惶其案一日不結則其家一日不安而爲州縣者輒因循玩愒而不爲理合各省計之一年之中其含冤不得伸者奚止萬家至若徵收錢漕額外誅求地方公事藉端苛派比比皆是其尤甚者莫如釐卡上官以釐差爲調劑委員以釐局爲利藪凡民間攜帶食物器用卽極之至微至纖之物無不苛端勒索稍不遂意卽被羈押小民飲恨含悲無所控告而該委員等輒以飽其私囊貨絲奔競轉助能員之構夫國以民爲本今山西河南等省民困未蘇而東南各省風災水災又復迭見民窮財匱其何以支顧瞻時勢憂殊切應請 飭下各直省督撫實力整頓於屬員之賢否惟以愛民不愛民爲斷勿尙培植兒勿事粉飾 朝廷於督撫司道之不稱職者立予罷黜立予重懲庶幾互相警惕得以挽回時局漸臻上理上不掇冒瀆無任惶悚之至 上諭御史董鶴翰奏請飭各省督撫整頓吏治等語各省呈控案件亟應迅速審結以清庶獄近來各州縣遇有命盜重案不能消弭即故意留難其尋常詞訟輒置不理以致小民含冤吳仲至徵收錢漕釐金等項自有定章豈容苛派需索乃各州縣於徵收錢漕往往額外誅求藉端苛派其尤甚者釐卡委員於民

間攜帶食物等項百端需索飽其私饕餮弊端殊堪痛恨著各直省督撫實力整頓於屬員之賢否隨時認真查察如有前項情弊卽著從嚴懲辦各該督撫司道等均有稽查屬員之責儻敢瞻徇隱匿並不據實糾參定將該督撫等一併懲處將此通諭知之○敕元清凱奏查邊外游民佔墾地畝與朝鮮僅一江之隔復經奏明仍請循照舊章按四季派員出邊統巡夏秋二季與朝鮮國地方官公會哨稽查等因在案本年四月委派城守尉榮善作爲夏季統巡前往巡查並照章咨行盛京禮部先期知照朝鮮國王飭令該國地方官會哨去後茲據該員詳稱馳抵邊外巡查於五月初一日與朝鮮官金泰麟公會哨該使臣親遞邊境靜肅印摺一紙由該城守尉呈遞前來除行存查外奴才等復展飭秋季統巡之員認真稽查以肅邊境報聞○丁亥 上諭 奉先殿 壽皇殿行禮○祭 先師孔子廟遣職齡行禮○以羅大春爲湖南提督○戊子諭溥儀等奏查明緊要工程請派大臣查勘一摺 慕陵 隆恩殿及內務府營房等處工程均有沈垂墁塌情形著派潘祖蔭將應修工程敬謹查勘奏明辦理○諭左宗棠奏已故將軍等遺骸收殮護送回旗等語原任伊犁將軍常清明緒之妻子靈柩現經左宗棠派員護送回旗著兵部及該旗查明知照各該故員親屬屆時領歸安葬以妥忠魂○銘安奏 奴才等前因吉林庫款支絀各省協餉不能如期接濟擬於本地各項租稅實力整頓以助餉糈迭經奏陳在案查吉林長春關

伯都訥廳三處稅課經 欽差大臣崑保奏增歲額幾至十倍之多而其餘各城土稅未及查辦奴才銘安到任後屢經訪查吉林等三廳稅課自加額後經徵各員尙無隱匿但稽查未密近有包攬偷漏之弊是以前經奏請吉林廳屬煙酒木植各稅改歸將軍委員試辦以期消滴歸公無虧正額其長春伯都訥二廳稅務亦飭各員實力經徵整頓以杜中飽惟寧古塔三姓阿勒楚喀五常堡雙城堡拉林等處土稅雜稅每年所收實數查與原定歲額均有盈餘恐爲不肖官弁蝕飽私囊當派已革協領富爾丹佐領海昇候選知縣王悅等分往各城據實查辦不准稍有徇庇仍恐辦稅員弁心懷疑懼不肯實報該委員或存迴護並令傳諭但將歷年徵收實數詳細開呈從寬免其查究如再隱匿不報一經查出定即指明參懲等因去後茲據該員等先後稟稱分往各城調集收稅官弁剴切傳諭均各感愧無地據稱該員弁等或經手一二年或由經委辦近來所收稅課實較早年有贏無絀惟是物產之盈虧全視收成之豐歉今年有餘來年或恐不足是以不敢遽請增額應有虧絀無法彌補至盈餘錢文亦不敢自入私囊向歸衙門作爲心紅公費以及緝捕圍操犒賞並一切無名雜支之用所有近三年經徵實數及支用各帳據實呈出不敢隱匿等語卽密調鋪商帳簿校對與所稱之數尙屬相符惟歷年盈餘錢文實係充作公費支銷無存等情稟復前來 奴才等悉心體察傳訪周諮從前地闊人稀每年徵收稅課無多各衙門差務亦

簡近來人煙稠密稅課較增而各衙門事務殷煩迥非昔比各城副都統協領衙門均無辦公經費凡緝捕竊賊解犯盤費與一切雜支實無閒款可籌該員弁所稱以稅課盈餘津貼辦公之語尙非盡屬虛誣且事已多年官非一任又係額外盈餘未便追究其既往過事誅求惟有整頓於將來力除積弊今據查明歷年稅款雖有盈餘實係因公動用擬請 恩施格外寬其既往均免查究惟經此次查辦之後飭令認真徵收今年儘徵儘解俟年終酌核情形於額外盈餘內量提數成俾作衙門經費卽以今年收數作為永遠定額以後不准虧短奴才等仍不時派員前往各該處嚴密稽查以防隱匿而期核實得 旨旨齊古塔等城稅課盈餘既經該署將軍等查明實係因公動用卽著寬其既往均免查究嗣後務當飭令委員人等認真徵收卽以今年收數作為永遠定額餘著照所議辦理○李鴻章奏再輪船招商局關係緊要滬局尤商務總匯之區原派委員多有經辦事件分投查察未能常川駐局現僅有道員徐潤駐滬經理雖無貽誤而責任綦重頭緒太繁必須遴派明幹公正大員會同籌辦切實整頓以昭周密查有二品銜江蘇候補道葉廷幹廉正樸直條理精詳實心為公能任勞怨歷任松防上海南匯各丞縣實缺總辦江蘇海運局於洋務漕運各機宜均甚熟悉商局利病情形亦所素諳堪以委令總辦上海招商局會督原派各員唐廷樞徐潤等將南北各口總分各局挽載運漕用人一切事宜盡心講求力籌整頓核實撥

節以期興利除弊涓滴歸公庶中國商務可以自立官本商股不至虧短報聞○已丑諭軍機大臣等前據丁寶楨奏都江堰頻年泛溢衝毀民田現設法籌款修理旋聞該處江流盛漲民間已被水災正以新築工程能否可靠地方被災是否深重慮念方殷茲覽該督所奏情形都江堰水泛溢異常與朝廷所聞無異惟水勢高過堤身洶流洶湧歷時將及一月沿江田廬必多淹沒且從前盛漲下流已成澤國此次水大於前所稱沿江民田均無衝損殊難憑信至堤身既有缺勛能否搶護平穩不致大損所築新工有無損折能否一律結實恐有不實不盡之處丁寶楨當嚴飭丁士彬認真履勘據實稟報再行詳細奏明不准稍有粉飾並將興築堤工隨時保護完習被災地方加意撫卹毋令失所將此由四百里諭令知之○諭已革四川郫都縣知縣徐澤鏞前在任內於江水進城並未救護災黎輒先登舟出避經吳棠奏參革職永不叙用茲據都察院奏該革員遣抱以被參情節均係邑紳徐昌緒挾嫌呈控並串通總督衙門幕友徐巽齋舞文陷害等詞赴該衙門呈訴案關紳幕交通職官被參究抑虛實均應根究此案奏結有年丁寶楨無所用其迴護卽著該督確切查明據實具奏抱告民人張福該部照例解往備贖○庚寅諭左宗棠奏營員保案疎漏請給更正並自請議處等語副將鍾南英前經因案革職左宗棠於會見吐魯番城出力案內將該員保獎漏未聲叙原案奏請開復殊屬疎忽左宗棠著交部議處惟據稱鍾南英迭

著勞績帶隊得力著照所請於關隴肅清案內開復該員原官銜免繳捐復銀兩克復吐魯番各城案內  
免補副將以總兵留於甘肅補用並賞給赫少巴圖魯名號千總宋德昌著照原保開復原官原銜留於  
甘州提標儘先補用以示鼓勵○諭左宗棠奏請將部駁保舉革員仍照前保獎勵等語已革補用總兵  
凌應高已革補用副將周廷興均係查辦武職應由兵部帶領引見之員既據左宗棠奏稱該員等在新  
疆軍營迭次出力著准其照前次保案開復原官免繳捐復銀兩毋庸再由兵部帶領引見○壬辰諭旨  
國荃奏遵查山西本年下忙錢糧懇分別開徵蠲免一摺山西自上年被災南路平陽等府州田多荒蕪  
本年春夏間復少雨澤收成歉薄若將應徵錢糧照常徵收民力實有未逮加恩著照所請所有平陽蒲  
州解州四府州並所屬各州縣應徵光緒四年下忙及從前奏准緩至光緒五年秋後帶徵上年蠲除錢  
糧者著一律蠲免以紓民力該撫即刊刻謄黃徧行曉諭務使實惠均沾毋任吏胥舞弊用副軫念災區  
至意至北路忻州代州保德州各屬及太原汾州澤州潞安大同朔平雷武霍州隰州遼州沁州平定州  
等府州屬並口外各屬能否開徵即著照該撫所請察看情形奏明分別辦理○頒給河南懷慶府 關  
帝廟匾額○癸巳傳大章奏民生之休戚繫乎吏治值此災荒之後尤宜慎選牧令與民休養生息俾得  
起溝壑而登衽席未有吏治不修而民生可日有起色者也軍興以來捐納保舉吏部每月分發各省白

數十員所恃定有甄別章程合各督撫詳加考核於到省一年期滿或量予降補或勒令休致其有爲守  
廉優堪膺民社者方准出具切實考語奏請留省補用無如各督撫視爲具文甚至補缺有期始經補行  
甄別則平日並不留心察看已可概見是以貪鄙不職固允無能者或早已委署地方以致貽害於閭閻  
莫可窮詰所自近見格撫蒞任伊始偶甄別一二劣員以資振作久之情面漸熟遂不能無所瞻顧卽不  
能任用私人袒庇同鄉而希圖奏調者有之營謀改指者有之究無非夤緣奔競錮習相沿縱使參奏有  
人一經舉 旨飭查該督撫率以事出有因並無實據了之幾曾有失察在先而不曲爲彌縫巧爲迴護  
者良可慨也且愚以爲人情多濫於所安非實力查詢無以大生其敬憚昔年大吏如田文鏡並嚴於取  
吏其時賢者固得及時自效不肖者亦震懾而勉爲循良吏治日隆職是之故同治初年各省督撫尙隨  
時開單甄別屬吏近來務爲徇隱其有終年全無一舉劾者相應請 旨飭下各督撫破除情面於捐納  
保舉人員到省一年期滿認真甄別毋許一昧姑容概請留省補用卽實缺正途登已甄別留省並毋庸  
試用人員亦復不時從嚴查核則大法小廉官方庶日見澄敘矣 上諭御史傅大章奏各省吏治因循  
請飭認真甄別一摺各省試用人員向例一年期滿由各該督撫分別奏留補用原期詳加考察以定去  
留近來往往視爲具文凡試用期滿人員概請留省補用殊非澄敘官方之意嗣後各省督撫於捐納保

舉人員到省務當破除情面悉心考察於一年試用期滿後認真甄別不得一味姑容概請留省補用其實缺正途及業經留省並毋庸試用各員仍當隨時嚴行查核如有貪劣不職者即著奏明參處毋庸留職○諭御史傅大章奏試署期滿人員並不題請實授亦近於取巧請飭酌定章程等語著吏部議奏○乙未諭旨鍾麟奏藩司病故懇恩賜卹一摺原任陝西布政司蔣凝學曾在湖北江西安徽甘肅等省軍營歷著戰功山知縣洊升陝西布政司辦事勤能力求實際前因患病准其開缺旋即身故著照所請交部照軍營立功後病故例議卹○諭定昌等奏請飭屬催欠交米石一摺據稱直隸承德府及所屬應交光緒三年分各項兵米均未解交請旨飭催等語著李鴻章嚴催該府州縣趕緊交倉以重兵糈○孔憲鈞奏人心之趨利猶水之就下不為峻其隄防勢將無所不至薦釐愈煩餉緣愈熟事例益廢避就益工流弊孔多未能悉數謹就有礙捐輸銓選章程者酌舉數條敬為 皇上陳之一編檢保舉開列在前宜予限制也查翰詹為文學侍從之臣向來升轉之階非資深卽大考其考在前列者得以過缺題奏然非資深至二十名內不得開列今則市經散館謀一館差已開列在前矣並有不得館差以投効得保亦開列在前矣聖斷爭先視為故習將何以處軍功捐納兩項人員而責其鑽刺乎應請以後編檢開列在前須資深在二十名內方准開列並將大考資深人員各進名單恭候 簡用一內閣保舉待讀宜予

以補缺年限也查內閣漢侍讀二員總司票擬向以資深之典籍中書與保舉人員相間題補近來保舉漸多竟有甫得中書輒保侍讀恐票擬重務未能諮悉查大部司員行走未滿十年雖有勞績不得補升題缺擬請援照辦理以資歷練一 特旨錄用人員銓選宜另歸一班也查 特旨人員向俱儘數選用以其 恩出自 上故優之也今則明有升階而曰不敢仰邀議敘或預捐一道員則曰無可保升未免巧於希 恩吏部均與儘數選用以致各班俱形壅滯夫 朝廷用人無一不奉有 特旨自當一體甄錄可否將此項人員歸諸各班之前以示優異仍與各班相間輪選以昭平允一同知通判宜加捐項四成及捐免保舉也查同通職銜等於州縣各省章程間有以署知府直隸州者似與佐雜宜有區別况撫民同知通判各缺實與正印無異擬請將捐項比照道府州縣一體加捐免保舉一項其以前報捐各員俟補缺時將免保銀兩照數補足於捐項不無裨益一佐雜人員捐免補缺宜有年限也查近來指省佐雜率擇本省大僚可援繫者依之故到省卽得優差不久復得優保所保班次俱補缺後以知縣用再捐免補缺則儼然正印矣夫納佐雜之資以博州縣之秩既妨捐款且蠹仕途應請佐雜到省不滿五年者不得保補缺後知縣不滿十年者不得捐免補本班一捐本班先人員有礙選法宜停止也查本班先本班儘先一項保捐者率於本班選補到班時方行上兌以期捷速且銀數本屬無多既有礙於銓章且無

補於捐例應請停止以免弊混以上各條倖進者或越後以超前罔利者可操微而索厚以捐輸濟保舉之窮而求無不獲以保舉省捐輸之費而計有必工弊端輟輟莫可窮詰人心日趨巧僞吏治安得有起色乎應請 旨飭下該部明定章程分別辦理以杜弊端而昭核實 上諭御史孔憲毅奏仕宦日巧請飭部嚴定章程一摺著該部議奏○戊戌李鴻章奏前署貴州撫臣韓超於光緒四年四月初二日在昌黎縣原籍病故據伊孫生員韓方炳繕具遺摺到臣求爲代遞伏查韓超於道光二十二年由副貢生就職州判揀發赴黔積功擢至道員咸豐十一年十一月奉 旨賞給二品頂戴署理貴州巡撫其初爲原任湖北撫臣胡林翼所知謂其沈勇慷慨雄心遠略可爲名將可爲良吏嘗從胡林翼擊粵賊於懷遠生烏沙苗於九萬寨擒獨山土匪楊元保所向有功桐梓賊楊鳳之圍遵義也滇黔兵壁城下者數十營久未得聞韓超馳至督兩疾戰立解城圍進攻雷台山賊巢破之楊鳳潰走我夜窮追卒殲之於萬章司厭功甚偉黔中自咸豐六年後上下游州縣大半淪陷思州以北及石阡銅仁思南諸郡爲教匪鎮遠以南及黎平都勻諸郡爲苗匪韓以孤軍指挂其間使賊不得合併遏其由進下游之路遮蔽湖南不至如粵匪之蔓延爲害則又超之功也韓超賦性剛直忍苦習勞在官在軍儉約刻勵有非尋常將士所能堪者在黔近二十年大小六百餘戰往往當賊衆數十萬糧盡援絕之時左右死傷略盡而喋血鏖鬪卒以復

張胡林繼所請假以事權前湖南撫臣駱秉章亦言其廉樸耐苦能得民苗之心爲之籌濟月餉其在署巡撫任內適值饑饉繼兵士飢疲親揮將伍良吏堅走粵逆右達開大股攻克尙大坪玉華山兩賊巢肅清大定安順遵義思南銅仁諸郡其勞苦功高黔中人士至今稱道弗衰查黔省被兵最久自胡林翼首創練勇擊賊稍能自立及其奉調赴楚黔事益艱而尙能支撐十餘年俟粵逆蕩平移師援剿以至底定者皆文武諸臣力戰之功如提督孝順趙德光按察使福興及韓超其最著者而超在事最久茲以老病沒於牘下合無仰懇 天恩准將前署貴州撫臣韓超生平戰跡宣付史館立傳以彰燕績出自逾格

恩施 上諭李鴻章奏已故大員功績卓著請宣付史館立傳一摺前署貴州巡撫韓超於咸豐年間署理貴州巡撫值餉廣兵疲之際卒能擊退右達開大股逆匪攻克尙大坪等處賊巢肅清大定安順遵義思南銅仁諸郡洵屬戰功卓著嗣因病回籍調理茲聞病歿軫惜殊深著將該故員生平事跡宣付史館立傳並加恩予諡以彰燕績○己亥浙江巡撫梅啟照奏前撫臣楊昌濬以定海總所屬大衢山向係荒地并無封禁明文目下戶口繁庶地已成熟 奏請援照天漲沙塗之例勘明畝分按則升科給照執守等因光緒元年十月十六日內閣奉 上諭楊昌濬另片奏大衢山地畝請查丈升科等語等因欽此嗣於光緒二年閏五月間據前署定海同知陳乃翰稟稱大衢山辦理升科事宜民皆樂從開冊呈送惟

內有同治九年竊藏洋盜拒傷弁兵之匪犯金啟蘭父子抗不指丈且煽惑鄉民意圖拒捕請派兵彈壓  
經前撫臣劉切曉諭并批飭該廳妥爲辦理如果金啟蘭等始終頑抗再行撥兵拏辦在案臣上年閱兵  
至寧波詢之道府及現任定海同知史致馴奏言大衢山一島孤懸海外距定海寧波水程各三四百里  
非舟不通洋面風汛席常往返該匪犯金啟蘭等又陽奉陰違忽避忽抗以致稽延時日查丈未能竣  
事等語臣當卽飭令妥慎辦理毋以欲速債事茲於七月十七日接據定海總同知史致馴稟報訪得大  
衢山違抗查丈者只金啟蘭及附和之夏大金等數戶商准定海鎮派撥師船帶兵會同前往彈壓查拏  
乃於六月初九日由大衢山之側斗巖甫經登岸該匪金啟蘭樹旗鳴鑼率黨拒捕因山僻路狹湧水又  
深未能列隊該匪膽敢施放鎗礮四面山角伏莽盡起向前迎敵不得已登時開仗右營總兵洪廷芳武  
生武廷衡及兵丁二人力戰陣亡各營將弁兵丁亦有受傷時將薄暮海風大作恐損兵威當卽收隊回  
船請添派兵勇前往拏辦等情又據探報該匪金啟蘭父子及夏大金等於拒傷官兵之後抄掠舖戶勒  
索平民并勾結海盜招夥入山扼路釘橋禁人出入爲負隅抗拒之計并據甯紹台道瑞璋稟同前由臣  
以大衢山孤懸海島形同化外若不添調勁旅立時撲滅恐致釀成大患卽經商准提臣黃少春酌派楚  
勇五百名及木標水師兵船海門鎮巡洋廣勇先赴定海會商妥辦又委因分在甯久著戰功之台州同

知成邦幹統率調遣以一事權并飭元凱輪船在於附近洋面梭巡以防竄逸又准定海鎮總兵郭定猷咨報親督標兵三百名同往剿辦本月初二日據成邦幹馳報六月二十日各營水師同時起碇該員率楚勇乘坐輪船於二十一日駛至岱山洋面見衛山良民爲匪所逼紛紛遷移海盜乘機劫掠適有事主呼救立即停輪派勇乘坐舢板奮力追捕生擒盜犯黃阿四等四名鎗斃落水多名拔出難民三人原喊多件交定海廳訊係金啟蘭勾結而來供認搶劫不諱當即正法是晚各軍皆抵衛山會商定計次日黎明登岸該匪先將要路挖斷官軍設法紮筏前進金啟蘭擁衆數百躍岸迎敵排陣吶喊鎗子如雨我軍整隊徐進三路圍剿鎗礮齊施刀矛並舉立斃紅旗頭目一名擒斬多名匪勢不支輪船開放大礮聲威益壯該匪且拒且退我軍奮力追捕一面抄毀培陰器匪巢一面追至乍浦門匪黨奔逃各散未刻收隊查點殺斃匪黨四十餘名奪獲旗幟二十三面洋鎗二十七桿三百餘斤鐵礮兩尊陣斬被獲匪黨六十三名內有金啟蘭次子金阿毛據供陣斃紅旗匪目劉小豆生獲各犯均交定海廳訊明分別辦理兵勇受傷者五名次日派隊搜至乍浦門山中擒獲金啟蘭解回甯波審辦二十四五日連獲該匪長子金阿迷悍黨夏大金均即訊明正法全島肅清良民極快商留定標師船兩號駐防海口楚勇數百名鎮壓搜捕其餘各兵勇均即撤回等情前來伏查匪首金啟蘭曾於同治九年包庇盜首姜槐拒傷守備方國楨

又於光緒二年五月阻撓丈量毀弓違抗屢經未獲之犯膽敢尋窺拒捕戕害弁兵實屬窮兇極惡罪不容誅該匪雖係梗化頑民而雄居海島藐視王章結交匪類居心殊不可測星火不滅勢成燎原關係海疆大局誠非淺鮮今奉提臣黃少春就近調度趁機迅速各將士奮勇當先得以一鼓殲除免貽後患實足以伸國法而快人心此次統率兵勇之花翎連同銜補用知府台州同知成邦幹幫帶楚勇花翎補用知府張樸英謀勇兼優辦理迅速實屬著有微勞可否仰懇天恩賞給該兩員三品頂戴以示鼓勵出自聖主鴻慈所有卹亡之定標右營把總洪廷芳武生武廷衡並懇飭部照例議卹以慰忠魂上諭梅啟照奏剿捕海島匪徒擒獲首要各犯分別懲辦一摺浙江定海屬屬大衛山地方匪犯金啟蘭因清查該處荒地該匪抗不指丈經該管同知會營前往彈壓查拏膽敢尋窺戕害弁兵勾結海盜負隅抗拒經提督黃少春派撥兵勇總兵郭定猷親督標兵同往剿辦搜殺匪黨多名當將匪首金啟蘭擒獲地方現已肅清辦理尙爲妥速卽著梅啟照督飭甯紹台道訊明確供盡法懲辦一面飭令定海縣安撫良民將該山查丈升科事宜妥爲辦理所有辦事出力之台州府同知成邦幹候補同知張樸英均著賞給三品頂戴其陣亡之定標右營把總洪廷芳武生武廷衡均著交部照例議卹○庚子上詣 壽皇殿行禮○雲南昭通鎮總兵鄧有德以病免○以解志爲昭通鎮總兵○諭劉長佑奏請飭催總兵到任等

語雲南騰越鎮總兵張從龍前准文彬奏請仍留清淮軍營茲據劉長佑奏稱員缺緊要未便久懸張從龍著卽赴騰越鎮本任以重職守○諭劉長佑奏總兵因病出缺請旨簡放並請賜卹各摺片總兵李明惠前在湖北湖南江西廣西等省卓著戰功在臨元鎮任內亦能修明營政上年冬間防堵巴蠻感受暑濕現在因病出缺殊堪憫惜提督銜雲南臨元鎮總兵李明惠著照提督軍營立功後積勞病故例從優議卹並准其附祀本籍興立功地方昭忠祠以彰勞績雲南臨元鎮總兵員缺著楊長春補授○裕祿奏已故河東河道總督喬松年前在安徽巡撫任內勤勞卓著遺愛在民據紳民呈請捐建專祠以伸愛慕經臣於光緒元年八月內奏奉 上諭裕祿奏請將已故大員建立專祠一摺等因欽此欽遵轉行在案茲據紳民呈報所有臨淮壽州兩處祠宇現已一律工竣呈請奏明列入祀典由地方官春秋致祭等情由藩司核明具詳前來查已故河東河道總督喬松年在安徽巡撫任內外遇寇氛內除伏莽闢草萊以謀生聚課經藝以勵人材同治四年淮河水災倉猝之間以賑全活者十餘萬衆揆之禦災捍患則祀之義實屬相符茲遵 旨於臨淮壽州兩處捐建專祠既據紳民呈報祠宇落成請入祀典相應據情籲懇 天恩俯准將喬松年兩處專祠列入鳳陽府祀典由地方官春秋致祭以彰盛績得 旨如所請行○壬寅先期開放普濟堂功德林兩處粥廠賞小米三百石加賞五百石蘆溝橋粥廠賞粟米四百石並

撥給資善堂粟米三百石○癸卯吏部左侍郎彭久餘以病免○甲辰夕 月於西郊遣載勛行禮○調  
董華爲吏部左侍郎以黃倬爲吏部右侍郎調馮學驥爲刑部左侍郎以龔自闕爲禮部右侍郎○諭朕  
奉 慈安端裕康慶昭和莊敬皇太后 慈 端佑康頤昭豫莊誠皇太后懿旨手郡王之嗣子載沛現  
在溘逝著以奕瞻之子載楫改名載澍承繼手郡王爲嗣加恩封爲多羅貝勒○乙巳江蘇巡撫吳元  
炳奏前奉 上諭給事中程穆之奏各省倉穀請飭蠲緩一摺等因欽此仰見我 皇上垂恤民食無微不至  
莫名欽佩伏查江蘇前經兵燹時倉穀久已掃地無存嗣經督地方亦多助缺補清以後經前督  
撫臣飭令各屬仿照道光年間蠲備倉成法於稅收之年按畝捐辦積穀建倉存儲卽由本邑公正紳士  
經管不假胥吏之手此蓋爲民自斂其有餘而仍藏之於民也開辦至今已十有餘年各屬或辦或停悉  
準乎歲收之豐歉以爲衡蘇屬積存錢數數目前於奏擬豫省借撥積穀捐內陳明在案惟念各州縣積  
存之穀或一二萬石或數千石合而見多實分而見少平時積之倉庾固覺其繁過數以資散放立形其  
匱乏卽如晉豫兩省被災之後從前倉數一施立盡招商採運節節阻礙前車之轍可不戒哉臣已通飭  
寧蘇兩藩司所屬各州縣於本年秋成之後各就地方情形其已經設有倉廠者接續辦理其闕備之處  
尚未建倉者一體勸令紳富認真舉辦其積存錢數與穀數相等者飭令稍留若干生息以資經費其餘

悉數購穀或有存錢較存穀的便且可生息之論不知乾潔淨穀足支數十年而不壞歷時過久尙有以陳易新之法積錢既多易起虧挪且時遇凶歉穀價騰長購買無由則多錢又不如多穀是以臣始終主積儲現穀之說也中稔之年挹取有餘寸銖積累不以目前計其功臣當諄飭各屬認真經理力行無懈並隨時嚴加稽核祛除弊端以期仰副 聖懷關念民瘼之至意報聞○李鴻章奏准勇軍需前截至光緒元年十二月底止業經列爲第四案報銷於光緒三年六月十九日具 奏 奉旨該衙門知道單併發欽此伏查淮軍分防直隸保定及天津各海口護衛親軍盛仁馬步水師並各營局護運糧餉軍械共計三十三營提督劉盛休所部銘字馬步全軍十七營由山東濟甯州調紮張秋一帶爲南北洋策應之師又福建陸路提督唐定奎統領銘武步隊十三營與直隸正定副總兵吳長慶所統慶字親兵八營及續已裁撤劉玉龍開花礮隊一營均調防江蘇分駐沿江南北岸礮臺並分紮上海及吳淞海口之武毅右軍五營駐防徐宿之馬隊五營露准勇軍需案內彙冊請銷今自光緒二年正月起截至是年十二月底止列爲第五案所有營哨官弁員名勇夫總數征防處所先經造冊分咨軍機處戶兵二部備查至陸軍水師各營所支薪費口糧正雜各款並柴薪斤重價值駝騾喂養均循前案楚軍營制並 奏定章程及准銷成案接續造報湘平折實庫平仍扣雜款一分不餘又馬隊倒補馬價係照駐紮省分營驛例價

分別核結采辦製造工價水陸轉運糧餉軍火等項屆用車船夫工價腳核計斤重程途里數悉照軍需  
則例歷屆准銷各案核實支發飭將截至光緒二年底止收支細數分晰造報今據金陵報銷局司道等  
詳稱總管項下上屆截至光緒元年十二月底止實存銀七十三萬三千五百一十七兩六錢有奇新收  
項下總計浙江四川兩省協餉並提撥湖北江蘇藩關鹽局軍餉兩淮鹽課及收回上屆除歸天津海  
防支應局造銷外洋軍火價值又江蘇留防軍需案內登除調撥銀款同本案扣存平餘等項共銀三百  
六十八萬八千八百八十三兩六錢有奇內登除請銷補放各營光緒元年十二月底以前欠餉又附請  
專案 奏銷洋鎗廠隊教習辛工並購買外洋軍火價值金陵暨天津行營機器製造二局工料用款等  
項共銀六十萬三千五百九十五兩七錢有奇外實計收用銀三百八十萬六千一百八十兩三錢有奇  
開除正雜各款遵照部議酌定軍需報銷章程各歸各部核銷計應歸戶部核銷銀二百八十三萬八千  
五百二十六兩五錢有奇應歸兵部核銷銀五萬五千八百九十八兩有奇應歸工部核銷銀一十二萬  
六千九百九十六兩六錢有奇統共請銷銀三百一十二萬一千四百二十一兩二錢有奇應存銀七十八萬  
四千七百五十九兩一錢有奇已接支光緒三年正月正月起淮軍馬步水師營哨正雜餉項並購製外洋軍  
火器械價值工料等用歸於後案籌管項下滾接造報等情具詳請 奏前來臣查淮軍分調直東江蘇

等省沿江海口外壯擊勢內備緩急實爲緊要防務此次造報馬步水師各營勇丁遵照部咨開報花名清冊正雜欸項概發洲平折實庫平報銷仍扣雜欸一分不餘均係循照歷辦成案實用實銷並無絲毫浮冒除將細冊分咨各部並飭將以後用欸趕緊接續清理造報外所有光緒二年正月截至是年十二月底止淮勇軍需收支欸目造冊報銷緣由謹會同南洋通商大臣兩江督臣沈葆楨專摺具奏得旨下部知之